

PROCEEDINGS OF THE SECOND SESSION OF THE MIZORAM
LEGISLATIVE ASSEMBLY HELD AT THE ASSEMBLY HALL
FROM 20.10.1972 TO 1.11.1972

7TH SITTING ON 30.10.1972

AT 10

PRESENT.

Pu H.Thansanga, M.A., B.T., Speaker in the Chair.
One Chief Minister and four Ministers and twenty six Members.

BUSINESS:- (1) Starred Questions.
(2) Voting on Demands.

SPEAKER: Questions kan tih hmain thu puan tur a awm a.
Naktuk 31.10.1972 hian Election kan nei dawn a. Pan
inthlan dan tur chu Estimate Committee atan Member 6 (paruk) tur
a ni a. Tin, Public Account Committee atan 9 (pakua) a ngai a.
Vawlin tlai dar 5 thlengin Secretary hnenah Nomination thehluh
theih a ni ang, Tunah Pu R.Zoliana Question No. A-79-na kan
la ang.

PU R.ZOLIANA Pu Speaker, Mizoram Secretariat hnathawktute seniority
list siam a la ni lo tih hi a dik em?. A dik
chuan engtikah nge siam a nih dawn?.

PU CH.CHHUNGA
CHIEF MINISTER Pu Speaker, Dik lo, Seniority list chu he ni hna
hmun ruak tih khah hnuah la siam a ni chauh vang
a, Tin, Mizoram Secretariat ah a ni ber ang.

PU LALSANGZUALA Pu Speaker, supplementary question - Mizo
District Council a thawkte leh sawrkar a
thawkte reng reng kha an seniority list khat ah tih a ni dawn
tih hi a dik em?.

PU CH.CHHUNGA
CHIEF MINISTER Pu Speaker, District Council a hnathawkte
Mizoram sawrkar service a an lo luh dan chu
District Council Dissolution danah khan District Council Officer
te leh Staff te reng reng chu an dinhmun pangngai ala thaa dah
an nih loh pawhin a chhe zawk ah chuan dah theih an ni love.
Chu dan chuan an service pumpui, seniority nena chhawn tura
tih a ni a. Chu mi ti danglam tur chuan Central sawrkar hotute
rawna tih chh chauh a ni a. Chu chu thil awmia a nih avangin
District Council hnathawktute reng reng hi an seniority te nan
chhawn thra tih vek an ni.

PU R.ZOLIANA Pu Speaker, Supplementary Question - Mizoram
Secretariat staff, L.D.A. leh a chunglam zung
chu mi 44 vel lai an ni a, hengte hi temporary vek an ni er?
Tin, Arunachal Secretariat te, Assam Secretariat te leh
District Council atanga Secretariat a awnte hi in ang veka
ngaih tur em ni? Min hrilh thei em aw.

PU CH.CHHUNGA
CHIEF MINISTER Pu Speaker, heng Pradesh atanga lokal te hi
Assistant Superintendent te an ni a, thenktat
chu U.D.A. hun rei tak experience lo nei tawh te an ni a. In
ni hi chu tih buai had an ngai lo ang a. Tin, midang an lak

PU LALSANGZUALA Pu Speaker, Mizoram Secretariat ah hian Officer te contract basis a rawih te dah nghel nghal an tum tih hi a dik em? A dik chuan tuna kan officer awmsa te tan hian diptu an ni thei deuh lawng maw?

PU CH.CHHUNGA Pu Speaker, deputation emaw contract basis
CHIEF MINISTER emaw a officer lak pun vak hi a tul lova, thiamna bik in emaw Technical lama thiam bik emaw te an nih chuan contract basis a lak an ni ang a, tuna a ruakah hi chuan kan officer neih te hi la c hunzawm tir zel rih tum a ni.

PU C.LALRUATA : Pu Speaker, Secretariat a thawk turin P.W.D., E.E. Office a thawk thin an regularised an tih hi a dik em?

PU CH.CHHUNGA Pu Speaker, chu chu hriatna ka nei lova. Engpawh
CHIEF MINISTER nise tuna Secretariat a appointment siam kan tum dan chu Seniority a lak a ni dawn a. Tuna thawk mekte pawh Junior tak an awm a nih chuan chung chuan min tibuai ka ring lo.

SPEAKER Question No. A-80-na Pu R.Zoliana.

PU R.ZOLIANA Pu Speaker, "Mizoram sawrkar hian Mizote tan Mizoram sawrkar ah hna a hauh sak em?".

PU CH.CHHUNGA Pu Speaker, tunah tak chuan Mizo tan reservation kan la siam rih lo.
CHIEF MINISTER

PU LALSANGZUALA Pu Speaker, supplementary question - Assam-a kan awm lai khan sawrkar in minority te tan seat min reserved sak a, tuna kan sawrkar thar hian majority Lakher, Pawi leh hnamte nau dangte tan seat a reserve sak em? Reserve sak se za zelah engzatnge a reserve sak?.

PU CH.CHHUNGA Pu Speaker, ka hnaa member zahawm takin a
CHIEF MINISTER sawi - Lakher te, Pawi te, Chakma te angte kha minority a ngaih tur an nih leh nih loh hi thil ngaihtuah than tak a ni a. Engpawhnise minority a ngaih theih chin apiangce chu tunhmaa Assam sawrkarin a minority te tana seat a lo reserve ang chu pek ve tum a ni mai ang a. Chuti lo chuan kawng dap chawp hranpa a tul dawn si a.

PU LALSANGZUALA Pu Speaker, supplementary question - A nih leh
Pawi, Lakher Region a mite chuan Mizoram sawrkar hnaaia awa duh lovin, kei mahni in kan awm ang e, tiin Central sawrkar ah an dil tih hi kan sawrkar in a hria em?

PU CH.CHHUNGA Pu Speaker, Chutiingin an dil tih mimal chuan
CHIEF MINISTER ka hre lo. Sawrkar pawhin hriat na a nei lo

PU LALSANGZUALA Pu Speaker, kan Mizoram sawrkar chuan tum tum budget ah hian post thar 3800 lai a creat mekah hian appointment siam dawn chuan Mizo Union mi hlir lak

PU CH. CHHUNGA,
CHIEF MINISTER: Pu Speaker, Chung chu khawilal ah nge an sawi a, tute nge sawi min hrilh thei em?

PU LAISANGZUALA: Pu Speaker, a sawitute hming chu tunah ka sawi rih lovang a, nakin lamah ka la zawng chhuak ang a. Khung khawthlang lam, Mamit te leh khawdang ah te chuan Congress mite chuan Mizoram sawrkara hna zawn hi hmu lo sa ah an in ngai tawh hial a. Tin, khawthlang ho chauh nilo, khawchhak lama mite pawhin chutiang chuan an ngai theuh hlawm tawh a ni.

PU CH. CHHUNGA,
CHIEF MINISTER: Pu Speaker, appointment hi kan la ti tam lo a, chutiang lam chu a la awm lova, Mi an hlau anih chuan an hlau a ni mai a, chutiang lam chu tihna a la awm lo. Tin, kan Union zingah hian Contractor an awm lova, Congress lam mi hlirin ani chang ni.

SPEAKER: Question No. 81-na ah kal leh ila, Pu R. Zoliana zawhna.

PU R. ZOLIANA: Pu Speaker, "Mizoram sawrkar hian sipai bangte tan hna engnge mawzat tal a hauh sak em?"

PU CH. CHHUNGA,
CHIEF MINISTER: Pu Speaker, Grade IV employee ah chuan 27 kan la tawh a, chung zingah chuan Ex-servicemen chuan 6 (paruk) an ni.

PU LAISANGZUALA: Pu Speaker, supplementary question - tuna sawrkar tharah hian employee hi Assam angin Ex-servicemen te hi ruat an ni reng em?

PU CH. CHHUNGA,
CHIEF MINISTER: Pu Speaker, Grade IV leh III atana post sian tharah hian India sawrkar in Ex-service tana seat a lo reserve thin ang khan tunah pawh reserve chu tum zel a ni.

PU LAISANGZUALA: Pu Speaker, supplementary question - M.N.F. unau te lo hawng lehte hi ex-service te ang hian hna ruakah reserve theih dan a awm em? An harsa ve em em si a.

PU CH. CHHUNGA,
CHIEF MINISTER: Pu Speaker, chutiang em em chu engang ngo a nih dawn ka hre chiah lova. Imaherawhchu Ex-servicemen ho hi duh sakin kum 5 a tih hniam theih a ni ang a, kum 35 hi Age limit a ni a. Chutiang a nih chuan Ex-service tan chuan kum 35 ah an ni ve nghal thei ta tiana a ni a. Tin, Bangladesh buai avanga chhungte thi chu duhsak bik pawh nise tih a ni.

PU LAISANGZUALA: Pu Speaker, Mizoram sawrkar Secretariat chang lo Establishment pum puiah post 3800 a sian turah hian, Ex-service te chu duhsak theih an ni dawn lawa ni?

PU CH. CHHUNGA,
CHIEF MINISTER: Pu Speaker, chu chu ngaihtuahna a awm hauh chutiang sawnka kan ngaihtuah a, M.N.F.

PU LALKUNGA: Pu Speaker, chutianga Ex-service hote tan reservation a awm a nih chuan engatinge Agriculture Directorate a Grade IV an lak khan Ex-service te an lak loh?

PU CH.CHHUNGA,
CHIEF MINISTER: Pu Speaker, an la lo chungpawhin 22.22 percent an la nei tho a ni.

SPEAKER: Question No.82-na ah kal leh ila.

PU R.ZOLIANA: Pu Speaker, "Dan in a sawi angin Mizo District Council a hnathawkte kha hna pek an ni em?"

PU CH.CHHUNGA,
CHIEF MINISTER: Pu Speaker, District Council hnuaia thawkte chu hna kan lo pe nual tawh a, Officer 12 leh staff 58 te an ni a, 70 pek an ni tawh a, a bak pawh an la awm tho a no.

PU C.LALRUATA: Pu Speaker, heta Officer appointment la pek lohte hi hlawh la thei lovin an awm reng em ni?

PU CH.CHHUNGA,
CHIEF MINISTER: Pu Speaker, an la la thei rih lo a ni.

SPEAKER: Question No.83 ah kal leh ila.

PU R.ZOLIANA: Pu Speaker, "Mizoram sawrkar hnuaia Under Secretary hna ruak tikhat turin I.A.S. emaw A.C.S. emaw ni lo lak an ni tih hi a dik em? A dik chuan, engnge a chhan?"

PU CH.CHHUNGA,
CHIEF MINISTER: Dik e, Under Secretary hmun Law & Judicial Department ah leh Finance Department and tikhat turin I.A.S. leh A.C.S. ni lo, Assam sawrkar hnuaia thawk kak an ni. A chhan chu heng hna atan hian experience leh Technical knowledge neih a ngai a, chutiang nei chu I.A.S. leh A.C.S. hmuh tur remchang an awm rih loh a vang a ni.

PU SANGKHUMA: Pu Speaker, helai Secretariat a appointment siam te hi tih danglam lohva, A.C.S. emaw I.A.S. emaw dah tumna a awm em?

PU CH.CHHUNGA,
CHIEF MINISTER: Pu Speaker, hemi Under Secretary pahnih te hi pakhat chu Law and Judicial ah a ni a. Pakhat chu Finance ah. Finance Department and khu tun hma pawha, Accounts Officer lo ni thin kha a ni a, hetiang Account lam thiam mi hi an ngai a, midang han lak mai tur hi an vang a. Tin, keini awm hma a lak an ni.

PU SAITIAWMA: Pu Speaker, supplementary question - Law and Judicial Department a Secretary hnathawk tur chuan eng Technical qualification nge ngai a, Mizo lekhathiam te zingah thawk thei an awm ve lawm ni?

PU CH.CHHUNGA

PU R. ZOLIANA: Pu Speaker, Under Secretary pahnih Law Deptt. and leh Finance Department a mi te chu tun hma a lak an ni a. Emergency Commissioned Officer thenkhat Under Secretary Secretariat ah dah tumna sawrkarin a nei em?

PU CH. CHHUNGA,
CHIEF MINISTER: Pu Speaker, chu chu kan la hre lo.

SPEAKER: Question No. 75-na Pu R. Dotinaia zawhna ti leh ila.

PU R. DOTINAIA: Pu Speaker, "Mizoram ah hian Agriculture Research Institute din tumna a awm em? A awm chuan engtikahnge din a nih dawn? A awm loh chuan, engnge a chhan?"

PU R. THANGLIANA, MINISTER: Pu Speaker, Agricultural Research Institute atan hian proposal chu siam a ni a, mahse kumin atan chuan Planning Commission in an la remti lo a ni. Tin, hman chuan pawh a beisei awm chiah bawk lova, nakum lam atan a ni ang chu. Chutih hnuah chuan Planing Commission hmaah thehluh a, approve tir tur a ni ang a. Tunah hian Indian Council of Agriculture Research chuan India khawchhak lam tan hian Shillong ah Agriculture Research Centre din an tum a, kan ramah pawh Sub-Station pawh hawn an tum nghe nghe a. Remchang hmuh huna acre 100 vel emaw te hmun a awm chuan Sub-Station te chu hawn ve ngei chu tum a ni.

SPEAKER: Question No. 76-na Pu R. Dotinaia.

PU R. DOTINAIA: Pu Speaker, "Mizoram ah hian Agriculture Demonstration Farm engzatnge awm? khawi laiah tengge an awm?"

PU R. THANGLIANA, MINISTER: Pu Speaker, kum 1970 atanga 1972 inkar ah Mizoram ah Orchard Demonstration Farm (Thei huan) 11 (sawm leh pakhat) a awm a. Chungte chu heng khua ah te hian siam an ni.
(1) Vairengte (2) Kolasib (3) Thenzawl (4) Serchhip
(5) Zobawk (6) Lawngtlai (7) Bilkhawthlir (8) Thingdawl
(9) Chhingchhip (10) Mnahtial (11) Demagiri.

PU S. APLIANA: Pu Speaker, supplementary question - Hemi Lawngtlai a mi hi khawlai a awm a ni a. Hmun dangah sawn tumna a awm em?

PU R. THANGLIANA, MINISTER: Pu Speaker, khawlaia an awm, sawn tumna a awm ka hre lo.

PU R. DOTINAIA: Pu Speaker, Serchhip a Farm khi han en in, hnim deuh hlir awmin ka hria a, engnge an chin deuh ber?

PU R. THANGLIANA, MINISTER: Pu Speaker, kan Member zahawm tak tak te hmuh dan chu a dik thaw khat hle mai thei. Tin, eng eng emaw chin nan tanpuina chu cheng tlem te pek an ni a. Chuvangin a tam ber hi chu a hming mai a siam an la ni.

PU R. THANGLIANA, MINISTER: Pu Speaker, kan Member zahawm tak zawhna kha han sawi ta. Heng Farm ah te hian a sam faina Rs.6000/- sen a ni a. Tin, khung Val rengte te khu sipai nen a in dawr rengte an ni a, senso a tla hniam deuh va, Kolasib leh hmun dang a a senso hi Office lamah la tih chian vak a ni lova, tin, an mahni farm ngeiah Record na a lo awm lo bawk nen, tun malah a hriat chian theih mai loh a ni. Tin, Thenzawl ah sawn pawisa sen chu a thahnem hle a, Contractor ten Expenditure ah singnga (Rs.50,000/*) lai te an shaw a, helam atanga va teh leh sawlama mite lo tih dan a in ang chaih lo nen, engpawhnise, pawisa la pek loh chu tih tham fe chu a ni.

SPEAKER: Question No. 7-77-na Pu R. Dotinaia.

PU R. DOTINAIA: Pu Speaker, "Mizoram ah hian Agriculture Seed Farm engzatnge awm? Khawi laiah nge an awm? Thlai chi thar zat leh an hming te engnge ni?."

PU R. THANGLIANA, MINISTER: Pu Speaker, Seed Farm tih hi a dang hret hret a. Chhak a mi hi a ang lova. Chu mi atan chuan Farm 5 kan nei a, chungte chu - Thingdawl ah te, Chitelui ah te, Neihbawi ah te, Thawnzawl ah te leh Dhubinallah ah te an ni a. Tin, chungah te chuan an thil chin sawi tham a awm lova. Buh leh Vaimim te tih mai loh chu engmah sawi tham a awm lo.

PU R. DOTINAIA: Pu Speaker, supplementary question - Sawrkar in heng hi a hlawkpui em? A hlawkpui lo nise ehunzawm zel a tum em?.

PU R. THANGLIANA, MINISTER: Pu Speaker, a hlawkna lam chu chuti teh chian chuan a la langmai lova, sawrkar in thlai chi tha a la chhuakin mipuite tan a pe chhuak tha em tih lam mah mah a ni zawk a. Tin, hei hi Demonstration lam atana din chhuah rih a ni a, mipuiten engtingge an tangkaipui theih ang tih hi zu chhut fo a ngai a. Mipuite kawhmuh chu hlawkna tha takah ngah rih mai a ni. A pawisa lama hlawkna chu a awm lo.

PU LALSANGZUOLA: Pu Speaker, kan Hon'ble Minister kha a hlawk lo a tih kha. Sawrkar in mipui tan thil the tih a mawhpurhna a ni a, sawrkar in a hlawkna a um ringawt ngai lova. Chuvangin mipui in an hlawkpui em?

PU R. THANGLIANA, MINISTER: Pu Speaker, Engemaw, a pawisa thuah ngawt chuan a hlawk lo va. Mahse chu mi farm a an siam avang chuan miten thil chin danah hma an lo sawnin tih dan an hriat phah a. Chu chu pawisa lam leh a deh chhuah a hlawk chiah lo mahse, thil hlawk chu ni thovin ka hria a. Entirnan - Thingdawl ah pawh chutiang farm chu siam a ni a. Acre khat ah phur 25 an thar thei a. Chutiang zat zat buh thar xh tura siam theih a ni tih mipui in an lo hriatphah chu a hlawkna a a la ni mai.

PU ZALAWMA: Pu Speaker, supplementary question - Heng Farm 5-ah te hian sawrkarin pawisa engzatnge a sen a, an kumtin thawh chhuah engzatnge min hrih thei em aw?.

SPEAKER: Question No. A-78-na Pu R. Dotinaia zawhna.

PU R. DOTINAIA: Pu Speaker, "Seed Farm thenkhatah thlai chi te chu a hman dan an hriat loh avangin an dah tawih mai mai thin tih hi a dik em?"

PU R. THANGLIANA, MINISTER: Pu Speaker, Seed Farm a Seed produced a chhiah tih ngawt hi a dik vek lova. Amaherawhchu Thenzawl ah sawn rannung engemaw avang in Seed produced chu a chhe nual a. A dahna that tawh loh avangte in a hmuar leh chhe deuhte a awm a. Chutiang siam tha tur pawh chuan a siam thatna pek velna tur kawng a lo tha tawh lo va, mahse engmah tham zawng a ni lo ve.

SPEAKER: Question hun zawh a ni ta. Budget lamah kal ila. Demand No. 21-na Hon'ble Chief Minister in han move sela.

PU CH. CHHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for grant No. 21 for Rs. Rs. 1,43,63,8000/- for meeting the expenses on Public Works in the Public Works Department.

SPEAKER: Hemi Demand No. 21-na a sawi duh nei chuan han sawi ula.

PU R. ZOLIANA: Pu Speaker, P.W.D. Budger Provision thuah hian thu kam hnih khat lek han sawi ka duh a. He provision hian kan ram develop dan tur thui tak a khawih theih a. Mipuite, P.W.D. Contractors te leh P.W.D. hnathawk hote inkarah hian thil chin tha lo tak a awm thin a. Chu chu sawi tam ngai lovin kan Member zahawm tak tak ten in hria ang a. Hemi thil tha lo tak tihreh nan hian kan Budget Provision a mi pawisak kan divert dawn a nih si loh chuan Corruption thu hi sawi tam pawh a ngaiin ka hre lova. Tin, P.W.D. in sawrkar a dawr dan te, mipui leh P.W.D. indawr dan te pawh hi tih dang-~~lamah~~ makmawh tur niin alang a. P.W.D. in Zoram tana a thawh dan Method hi tindanglam ngei tur niin a lang.

P.W.D. Staff te reng reng hian tunhma lam hun rei tawh tak atang khan power hi an mahni ah an lo nei thuk lutuk tawh a, sawrkar thara kan lo awm tak hian mahniin hriatna (self adjustment) nei harsa an ti niin a lang. Chuchuan nasa takin thil a ti chhe thei a ni. Hei hi kan sawrkar thar hian a tihreh thuai a tul hle a ni.

Mizoram buai hma te khan Mizawl-Khumtung Road te saw laih tan a ni tawh a. Mahsela, tun thlengin Motor pawh a la kal thei lo va.

PU LAISANGZUALA: Pu Speaker, tuna kan subject hi hman ni ah ka sawi tawh nual a. Kan ram siam that nana enkawltu tur 'Khawl' kan din a ngai a ni. Tin, pawisa pawh tam viau mahse a hmangtu in hman that a awm loh chuan engmah a ni lo. Chutiang chuan hman ni khan nei pawhin ka zawt tawh

Hman ni-a ka zawh hnu kha (Budget) ah Khan ziak a ni a; mahse kha ziak Khan min bum deuh em ni chu aw ka ti a. Chuvangin heng P.W.D. hmun, Sub-division kan ti dawn emaw ni hi Aizawl District ah Pali (4) Lunglei District ah 2. Tin, Chhimituipui District ah pakhat ngel nghet takin siam ni hlama sela. Chuvangin Red bik hi enkawl vat vat se.

Tin, chutiang bawkin Building thu pawh hi enkawlu a hrangin siam ni sela. chu chu tha-in ka hria. Chutiang bawkin Division din nise, Subdivision hi a tawk lo. Mihringin thil thiam zawng leh tuina zawngte a inang lo thei a Engineering te B.E. theuh theuhte chu an thiam zawng leh tuina zawngah thawh tir ni se. Tin, hna hi chak zawka thawh kan tum chuan hmanah pawh tha zawk kan mamawh dawn a. Electric lam pawh ngaihtuah a tul ang a. Chu chu kan Chief Minister zawhawm tak pawhin Zoram bik atana Board neih tum a nih thu a sawi a. Chu chu neih thuai nise a tha ang.

Tin, tun tum Budget atan hi chuan hun pawh a rei tawh lova. Kum thar ah chuan keimahni Electric Board chu hman theih nghal tura siam nge' ni se.

P.W.D. Department hrim hrimah hian Tender call thuah te pawh P.W.D. Officer te a tul anga hnathawhtir thei lo khawpin Minister lam pawh an inrawlh emaw chu awm tih nia hiat ah theih a. Mizoram U.T. kan neih tirh pawh kum khat theih a ni tawh a. Chutiang siin hnathawh tur apiang emergency reng maia thawh tur a ni dawn em ni? A tul daw a thuin Tender koh pawhin tih tur chu a ani ang a. Mahse hna zawng zawng emergency a tih hi a sense thlak in a fello em em in ka hria. Entirnan - Hman ni Khan kawng g laih tur hmun pakhatah ~~khawng kawng~~ a awm a. Chu chu an tender a. Mahse miten an chhan kim a thawktu lak anih hman a kawng chu an lo lai zo theih tawh a. Chutiangte chu a pawlin a zahthlak ngawtin ka hria.

Tin, Contractor te hi kan ti duhdah viau mai a. Hna tha kan duh chuan min an thawh that theih nan hlawh kan pe thuai thuai tur a ni. An hlawh an lak that theih thin loh avangin an thawk thain an thawk chak thei lo a ni. An bill hi lak han tum sela, a la fel lo, tih a ni reng mai. Dawhkan pahnih inkarah ngawt pawh hapta khatte chu a vel thin a. Hetianga thil tih kan chin chuan kan hna chu a thain a rang ngai lo vang.

Tin, kan hna reng reng revise a ngai fo hi thil fello tak niin ka hria. Hman ni ah pawh Thenzawl kawngah chutiang chu a awm. Entirnan - Sialsuk lamah sawn estimate siam zawh sa pakhat chu an han thawh zawh chuan an estimate in a daih lova, a man an pe tha thei lo va. An han dil chuan "A tam avangin Principal Engineer leh Executive Engineer inkarah an dil na chu a let a let vel a. Chumi, neitupa mangang chuan Rs.200/- puk tur mi dil ngawt mai nghe nghe a. Chutianga hnathawh zo tawh rengte a man pek that theih loh avanga chhungkaw mangang khawpa siam chu thil fel lo tak a ni.

Tin, building lamah pawh hian estimate a mumal lo lutuk niin ka hria. Chutiang a nih avangin kan Aizawl khawpi ngai pawh hi a tibuai in siam that theih loh khawpin a awm tawh

PU SAPLIANA: Pu Speaker, P.W.D. ah hian sawi duh ka nei ve a. Ram ti hmasawn tur chuan kawng hi a pawimawh em em a. Tunhma kum 20 ral ta atang khan P.W.D. hi an fail ni deuh berin ka hria.

Zoram chhim zual deuhah te chuan kawng a awm lo reng reng tih tir a ni a, Tun tum ah hian hei tlem chu a tel ve a. Tun hun tlemte chhung hian thil tih fel vek theih anih ka ring lova. Kumin chhunga a tih theih loh pawhin Chhimituipui lamah sawn survey ni ve ngei turin kan sawrkar ka ngen a ni. Mipui rilru hniam-na te pawh hi tih tak taka thil a kal loh vang a ni ber a. P.W.D. hi ram tan leh mipuite tana hlawkna anih avangin kawng min siam sak ngei se tih ka chah duh a ni.

Tin, Chhimituipui lamah sawn kawng a awm loh avangin Supply te hi Thlawhna in a thlak a ngai a, fur alo ni a, a tih leh theih si loh. Heng avangte hian kan tamna te a ti zual a ni,

Tin, Chhimituipui ah sawn lawng mau boat P.W.D. ina a nei a, amamerawhchu nikum khan tuilian in min lak sak ta a. Tunah min siam sak leh turin ka ngen a,

Tin, P.W.D. Officer te hian an mahni bial leh hmunah hian an awm peih lo lutuk a, entirnan - S.D.O., P.W.D. Lawngtlai chu May thla a zin bo tawh kha tun thlengin a la hawng lova, work-charge hnathawkho chu hlawh la lovin riltami n a hreng hlum tep a ni ber a. Heng avangte hian hnathawk a sawt lo em em a, kan sawrkar in a hriat atan ka duh a ni. Ka lawm e.

PU CH.SAPRAWNGA: Pu Speaker, hemi chungchang ah hian tawite han sawi ve ka duh a, chu chu kan Aizawl khawpui chhung ngei hi a ni nghe nghe a. Kan Aizawl khawpui kawngte hi zauhna lai tur a la tam a, maw tak leh tha taka kan tih hi a tul hle a ni. Mahsela helaiah hian harsatna a awm a, chu chu mimal pawikhawih a ngai tlat dawn hi a ni. Hei hi P.W.D. lamte pawhin a an harsatna neih chu a ni lo thei lova. Chuvangin a kal hmang tur tha tak zu hre chiah lo mah ila, a tul a ni tih chu kan hai lo theuh awm e. Kawng zauh leh a tuihawk luan kawr zu siam tur chuan mimal chunga thu neih a lo ngai a, P.W.D. hian hei hi a tih theih vak loh avangin harsatna an nei nghal a, D.C. hun lai chuan a thu chu thu tawp a ni nghal thei mai a. Chutiang chuan P.W.D. Officer Aizawl a awmte hi Power pek ve nise, tin, Side drain (a sir tui luan kawr) te reng reng hi Hill Area a an siam thin ang hian siam ni ve se thain ka hria.

Tin, B.R.T.F. kawng lai Aizawl - Silchar te Aizawl - Lunglei te leh Aizawl - Champhai kawngte hi zawh an ni tawh hlamm a, a enkawlina haa tal hi chu PWD in la se, hei hi thil pawimawh tak ni lehin ka hria. BRTF in a maintain hna an lak chuan a thawktute chu Civil mi, nula tleirawl te te te an ni thin a, hei hi a fel tawk lova, chuvangin P.W.D. lamin la ngei tawh rawh se.

Tin, P.W.D. Officer hote hriat atana ka duh chu, kawng an zawn thar reng rengin khua ah zawng lut hram sela, mipuite beisei a ni fo thin a. Mipuite hian kawng hnaih a awm

Tin, P.W.D. Corruption hi kan member zahawm tak ten an sawi bar hle a, ei ruk hi tum chuan a kawng a zau em em a, a awl thei viau ang a, hengte hi tihreh vat tur nise. Contractor te hna pek dan hi a fel tawk lo hle a. lump-sum contract a tih ni tawh sela, contractor leh officer te inrem siam ruk, tih nepna a ni ngei ang. Tin, Contract hna hmu ten an hmu zing lutuk a, a hmu lovin an hmu lo reng bawk si. Heng hna te hi mipuiten an chhawr tlan dial dial theih hi a tha a. Mi thenkhat hausa fal bik an awm a, thenkhat chhe lutuk an awm chuan a tha lo. Mirethei te te te hi hengah te hian duhsak ni ve ngei se. Tin, Tender chhan hniam theih ngawt pawh hi a tha lem lo a, officer te nen an tan rual chuan an chhe lutuk ngai lo. Chuvangin Lump-sum Contract hi beih ni law law se a tha in ka hria.

PU J.THANGHUAMA: Pu Speaker, tawite in an ti a, an sawi leh teh zel si a. Kei chuan sei deuhin kan sawi teh ang. Tunah khan kan Chief Whip (Pu Ch.Saprawnga) khan a sawi teh a. Hman deuh khan kan Chief Minister Serchhip a a zinin Serchhip leh Thenzawl kawng chu B.R.T.F. in an la dawn a ti a. Mahse Civil kutah a awm leh ta zawk a. Engnge a chhan? Min hrilhfiah ka duh a.

Tin, Contract pek thu kan sawi tawh nual a, PWD hi Public Waste Department a ni an ti hi a dikin ka hria. Eirukna hlirin a kal ral a ni mai a. Hmanni ah pawh khan Principal Engineer (P.E.) chu Serchhip - Thenzawl Road ah a kal a. Hnathawktu tumah a hmu lo. Mahni mimalin hnathawktur Labour te an hmang a. Hei hi Dan a ni em? Ka hre duh a.

Tin, 'In the name of Emergency' in Chief Minister te leh Minister ten insak a ni a. Family te pawh an hrual a ni lo va. Extend lo pawh nise tun thlengin a awm theih tho ka ring a. Heti vak vak a tangka semna an siam hi a ngain ka hre lo. Tin, Contract pek dan ah te hian hmanni ah khan zawh na ka siam tawh a. Thenzawl kawngah Rs.5,000/- hmuhna turah Rs.10,000/- chuang an hmu thei a. Hemi hi a dik lo an ti a. Tunah a dikzia chu kan hre leh tho a. Tin, Khilalah khian Rs. 10,000/- manah Rs.1,00,000/- an hmu thei tih te a ni a. Chuvangin kan P.W.D. mite hi kan ngaihtuah that a ngai a ni. S.D.O. in heti zat a enkawl thei ang, E.E. in chuti zat tih te hi ngaihtuah nise ka duh a. Estimate te kan ti a. revise a ngai reng tho si a, awmzia a nei lo. Chuvangin lump-sum a chhan tur tih ni ringawt mai se thain ka hria. Chuvangin Contract pek dan hi tih danglam nise ka duh a ni.

Tin, Keitum te Vanlaiphai inkar 'Tuichang Lei' hi Budget ah hian a awm lo tlat mai pek a, he thil hi khung ngei nise P.W.D. an lo ngaihtuah zui ngei se ka duh a. Tin, Khawzawl - Lungdar kawng pawh P.W.D. in a la dawn tih ri kan hre bawk a. Hei hi la ngei se ka duh bawk a ni.

Tin, P.W.D. Officer a fel ber ka ti mai ang a, Pu Lalrammawia, mi suspendna hmuna Saiha ah an transfer a a aiah Pu Neihlaia dah a ni a. Hekna avangin hetiang thil hi awm a ni a. Officer ten thil an ti dik lo tihna a awm chuan dan angin Enquiry te siam in tih ni thin se. Chuti lova, transfer leh ngawt mai thin hi a dik lo a ni. Chuvangin mi tha ni si te hi chu ngaihtuah sak ni se. Tin, in pawng ban tawp a a awm a. P.E. in mi pakhat a ban tawp mai a. Hei

PU VANLALHRUATA: Pu Speaker, vawin a kan thil sawi ho hi a pawl mawh ngawtin ka hria. Ram thar kan nih avangin Development leh P.W.D. lamin thu an lak tak tak a tul a ni. P.W.D. lam hi ka han sawr bing dawn a. P.W.D. Officer pakhat chuan kum 20 chhungin P.W.D. Department in Kawng mel 30 chauh hmantlak siamin a insawi a, a mak hle mai, dik pawh a dik ka ring.

Kan Budget ah hian F.E. post 3 chauh alang a, hei hi a tlem hlein ka hria. Hnathawk thuai thuai atan kan beisci a. Mahse an staff strength in a phu si lo. An hmanraw neih leh staff strength in a tlin si loh chuan engmah an ni thei lovang tih a hriat aa a, kan ramah BRTF an lo chhuak a, mipui in kan fak hle, fak hlawh tlak pawhin thil an ti chakin an thawk tha hle. Dik tak chuan henge pawh hian hmanrua an neih that vang a ni a. Ka hma a member zahawm tak takten an sawi angin hrang mite zingah pawh hian corruption chu a nasa ve tho thovin ka ring. An ngah deuh avang leh kan in hriat chian loh avangin an langsar vak lo mai pawh a.

P.W.D. lam hi ~~erit~~ tih len leh hmanraw tha pek an tul hlein ka hria. Chuti lo chuan engnge an tih theih ang? Ti - chuan tunah pawh hian kan post neih ah hian a thawk thei awm chin chu Mizo ngei promotion pek hum hum mai awm niin ka hria. Chutiingin hmanrua leh staff tihpun thuai thuai tur a ni. Val hnuaiia kan sawrkar hna zawng zawng a awm laia engmah ti thei lova kan awm mah tihin keimahni Mizoram sawrkar ngei kan neih tak hnu hi chuan a tul angin thil kan ti thuai thuai tur a ni.

Tin, B.R.T.F. in kawng 5 (panga) lai lak an tum tihte hi a dik em le? Hei hi a dik chuan Bial hla zual deuh, P.W.D. lam ngaihsak phak loh deuh te, kan bial te, Pu Hrangvela bialte etc. ngaihsak bik atan a tul ngawt mai.

Tin, Chief Secretary in luah khu a luah man tur PWD chhut ang chu Rs.700/- lai a ni a. Mahse tunah Rs.27/- emaw chauh a pe a, sawi a ni a, henge pawh hi en chuan a tul a ni.

Contract lak thuah hian ka hmaa member zahawm tak ten an sawi angin lump-sum a lak ngei tulin ka hre ve phawp mai.

Tin, mi thenkhat in Mizo Union mite contract hna pek bik nga an han sawi kha zawng thil hriat dik loh leh in puh dik loh thu mai mai a ni. Tunah hian mi dangin hna tam tak thawh sen loh an neih lain Mizo Union mite chu hna thawh tur hre lovin an vei huai huai zawk a ni..

PU LALRINLIANA: Pu Speaker, Tawite han sawi ka duh chu P.W.D. hotute in dawt chhoh dan hi a ni a, P.E. a awm a, E.E. in a dawt a, Superintendent hi awm ve se ka duh a. Vawinah pawh hian helai hmunah P.E. a rawn lang lova, a aiawh tu chu awm se rawn lang thei ngei tur a ni a, a pawl hle a ni.

Tin, P.W.D. a Superintendent hian Work-charge hrang hrang hi enfel sela. tha in ka hria. Tin, Mizawl kawng te

Pa pakhatin Driver zurui kuta kan nunna han kawltir chu ka ngam lo. Pathian hnena kan kawltir pawh hi ka ringhlel a ni si a, a ti ang deuh in sum enkawltu chu mi rinawm an ni ngei tur a ni angin P.W.D. Officer te hi Pathian hre mi ni ngei hlawn se ka duh a, chung chuan dik takin sum an enkawltu fel tha ang. Chuti a nih loh chuan pawisa tam tak ram Develop tura ruahman te hian a nih dan tur ang tak in ram hi an develop lo ang tih hi ka hlau a ni. Tin, Superintendent kan lo neih chuan E.E. ten a bill dik lo deuh a an lo tih pun te pawh enfel zung zung theih a lo ni dawn a. Heng zawng zawng te hi kan Minister zahawm tak te hian lo ngai pawimawh se ka duh hle a ni.

PU VINLALHRUAIA: Pu Speaker, Michin a ka sawi Chief Secretary in luah man kha Rs. 250/- a hlawn base a tih a ni awm e.

PU ZALAWMA: Pu Speaker, tunah hian Budget kan khel a ni a. Kan harsatna ni a kan hriat te han sawi a, P.W.D. Manual te hi kan thlir ila practical a tih theih loh thil a tam avangin a harsa a P.W.D. manual hi kan sawrkar in a bikin siam sela. Phai lam thil ang ringawt chuan a tih theih loh a.

Tin, eiruk kan sawi thin hi a chhan chu a in up rei thin vang niin ka hria a. Tih thuai thuai anih chuan a dan a dang in ka ring a ni. Hetiang thil anih chuan corruption hi a awm lo deuh in ka ring. Tin, P.W.D. tangka kawltu hi fimkhur a tul em em a. Vai aini Mizo hi an rinawm a, mahse tun ah hi chuan vai an ni tlat a ni. Engang in nge Mizo lakah thil an tih dawn? En pui zel tur in ka ngen a. He ram sawrkar tangka hi a hmanna dik takah hman hi a tul ang a. Quotation an ko vak vak tih kan hria, chungah chuan vai lo kal thar kha duhsak an ni leh mai thin. Provision kan siam chungchangah hian Agent ruk te pawh kan neih a ngai a ni.

Tin, Power chungchangah Principal Engineer power hi limit a awm a, Technical sanction ah chuan limitless nei se. Tin, Superintending Engineer hmun hi a awm lo niin a lang a. He post hi a awm ngei ngei tur a ni. Tin, Allotment chungchang ah hian Mizo lo hnamdang reng reng chu Non Tribal Trade Licence an neih loh chuan contract hna pek loh tur in kan Ministry hi ka ngen bawk a ni. Tin, Scheduled Rate hi Workable Rate ah siam ni sela. Tin, kan Register Contractor te hi an eizawna liau liau a ni a, hemi te hi ngaihtuah bikna neih ni sela ka duh a ni.

PU K.SANGCHHUM: Pu Speaker, ka hmaah member zahawm tak tak ten thil tul tak tak an sawi tawh a, mahse thil tul tul tak pakhat, Constituency 3-na Member zahawm takin a sawi kha ka han chhunzawm ve dawn a ni.

Chhimitupui bial chungah sawn mipui sing engemaw zat chu awm an awm ve a. Chungte chu kan mamawh ang lej kan duh ang duh ve tute vek an ni si a. Mahse kan ngaihthah em em mai si. Chung mite tan chuan P.W.D. mite pheih chu a kohva koh luh rual an ni lova. Lunglei lam atanga Mizawl an pan tur pheih hi chu an hmanhawh in koh din rual an ni lo thin. He mi

Chuvangin Tuipuih sawn leilawn dawh kai ngei tur niin ka hria a, ka ngen a ni. Chutilo chuan mipui an khawngaihthlak lutuk a ni. Boat leh thil dang engemaw hi zawng a nepin a tlo lo lutuk a ni. Chutiang hmun chu a nih avangin kan ngaihtheh rei lutuk chuan thil pawl lutuk a thleng ang tih a hlauh awm a ni.

PU F.HRANGVELA: Pu Speaker, vawin ah kan ram ti hmasawn pawl P.W.D. thu kan sawi a. Kan opposition Leader in Contract hna 25% chauhvin hna an thawk a 75% an ol ru a, tia a sawi hi a dik in ka hre lova, ka rilru pawh a ti na hle a ni. (Pu J.Thanghuama: Pu Speaker, Imah hi Contractor dik tak a ni) (Speaker: Mimal insawina hi chu a tul vek lo ang a. Kan Member zahawm tak te hi thudik sawi vek turin in ngaihtheh lohna lai pawh a awm thei a) Tangka dektute chuan thil an ti fel reng lo ang tih chu ka ring a. P.W.D. lam hi kan dem hle a, P.W.D. te ~~kan~~ hian pawisa chuti takin an ngah lo mai thei. Tin, B.R.T.F. nen phei chuan khaikhin rual niin ka hre lo. An hna heti taka a in chak hleih pawh hi pawisa hman tur an in neih tam hleih nasat vanga tih loh theih loh vang a.

A reng reng thuah P.W.D. bial hi a zau lutuk in East Division te hi azau lutuk a. Staff in daih tawk deuh a tih pun ni tawh sela, ka duh a. Tin, lump-sum Contract pawh kha tha ka ti a. Scheduled Rate aia hniam a an pek te pawh an belh leh thei tho a Rs. 30,000/- man Rs. 10,000/- a an chhang ngam a nih chuan pe mai sela. Chumi kara a lo hlep theih ang ang a a lo hlep ve chu thik rual niin ka hre lo. Tin, P.W.D. Officer te hi hnathawk thei lo khawpin kan siam zawk fo va, tender hniam tak in miten an dil a, an han pek in an thawk tha leh thei si lova. P.W.D. kan dem leh hi a fel ka ti lo.

Tin, Tin, U.T. a kan lo awm hian Member Hostel leh Minister ho chenna tura pawisa tam tak sanction chu tun thlengin tih chet lohvin a la awm niin a lang a. Chung chu khaw kar kawng siamna atan te min divert sak sela ka duh a, ka ngen nghal bawk a ni.

PU SAITLAWMA: Pu Speaker, tawite in ka han sawi ve teh ang. Ka hmaa member zahawm takin a sawi ang khan Assam hnuala kan awmlai ang mai mai khan sawkar in hna thawk lo sela ka duh a. Tin, he kan Schedule for works a lang lo hna tam tak te thawh nghal mai theihna kawng Department in ngaihthuah se ka duh a. Lunglei District a Thingfal khua a State Dispensary sawkarin building a lo sak tawh ram buai avanga chhunzawm loh a awm ta te sawtih thar a, chhunzawm leh ngei aise tih ka sawi duh a.

Tin, kawng thuah, Hnahthial Grouping Centre loh S.Vanlaiphal inkar kawng 10 K.M. tak chu kum 1963 atanga vawin thleng hian an la zo lo ta fo mai a. Hei pawh hi he hna thawktu Department hian zo thuai turin bei nghal se ka duh a ni.

Han sawi ta zel ila P.W.D. staff ten V.Labour an hman leh an chhawr dan chungchangah te hian thil fello a tam lutuk bawk. Head Assistant te S.O. te leh S.A. te hian heng V.Labour te hi an mahni mimal hna atan an hmang nasa lutuk em mai a. Lo thlo atan te leh thingphur, tuichawi leh bawng chaw phur atan te an hmang piap piap thin hi ching tam lo se a tha bawk ang.

Tin, Compensation thuaah kum 1965 a B.R.T.F. emaw P.W.D. kawng lain mi in an tihchhiat man Compensation te pawh tun thlengin pek loh an la awm a, hengte hi sawrkarin rang tak in ngaihtuah sak thuai se ka duh a ni.

P.W.D. tender koh thuaah Tender hotu thenkhat ten tender chhang tute hnan atanga pawisa engemaw zat an hmuh dawn chuan Contractor tha lo tak hnenah pawh hna an pe duh mai thin hi a fello hle a. Hetiang chin dawtha lo te hi Minister i/c P.W.D. in lo en ngun hle se tih hi ka chah duh a ni.

SPEAKER: Awle, kan sawi rei ta hle a, tunah chuan kan Hon'ble Chief Minister kan ko tawh ang a.

PU CH. CHHUNGA,
CHIEF MINISTER: Pu Speaker, P.W.D. a Public Work hna atan Rs. 14368300 dah chu a ni a. Engpawhnise min hriat thiam pui naah lawm thu ka han sawi e.

Tin, heta phek 238 a Development chungchang ah chuan hawn belh tumna chu a awm tho va. A la chian rih loh avangin kan han tleh lo mai a ni. Engpawhnise, pawisa lam chu a awm tho mai a. Kan hmanna kawng ah ngun takin kan ngaihtuah zel ang a.

P.W.D. hnathawh chungchang ah in demna a tam hle mai a. Mahse heng te hi thil a that zawkna duh vang vek an ni ang a. A vaiin kan sawi vek seng lo vang a. A tlangpui thuin corruption awm te chu tih reh tuma ngaihtuah zui zel a ni ang a.

Tin, P.W.D. dinmun hi kan inkhawm tirhah te pawh khan a ri zauh zauh tawh a. Tha zawk se, han thawk thei sawk se, kan duh a. An chungchangah hian kan duhthawh em em a ni a. Hna pawimawh ber ber changtu an nih avangin leh thil dang hmasawna thuaah kawng tha te chu a pawimawh em em avangin chu chu kan sawisel tam phah a. Hei hi huat thua la lovin an pawimawh avanga kan duh thawzia an hriatna ni se.

Eiruk thu sawi a tam hle. Hei hian chhan a nei ngei tur a ni. Kan ram buai avangin thil eng engemaw chu kan chan teuh awm e. Tun hmain sawrkar in ralhhat atangin min vawng a, dul deuh anga a lan vangte pawh a ni ang e. Chutiang a engemaw chan a retheih vanga thil tih ruk hnial loh te leh sawrkar hlat avanga a dul thua eirukna te pawh chu awm ngein a rinawm. Engpawhnise, Member te hian Pu Speaker, theihtawp an chhuah a, kan t/an tlan a tulin ka han ngen duh a ni.

Tin, tender chungchangah lump-sum a hna thawktu lak nise, a ngam hniam apiang lak an ni ang a, a fel zawk

Tin, tuna estimate awm saah hi chuan tih danglam harsatna tak a awm a. Hei hi chu lei chhung lam hriat tuma siam anih loh avangin hman nghal mai chi niin ka ring lova. Chuti ang chuan ti ta ila, a pawna lei thaa langte pawh lung lutuk hmunte pawh a lo ni thei a. Chuvangin a chhangtu tan pawh risky lutukin ka ring, Chutiang chi-a kan ti dawn a nih chuan estimate siam dawn atangin chutiang ni tura siam sa ni sela. Lei chhungril ;am hriat tunna tak tak nen, drain leh pit te siamin tih tum ni sela. Chutiang chu he House hian pump-sum a tih a duh tak tak anih chuan, thil harsa a niin ka ring lo.

Tin, Contractor te, dawrkai leh contractor hrim hrim te tliar thua kha chuan Tute zawk nge an dinmun harsa zawk ang tih chu ngaihtuah tham a awm ang. Mi thenkhat chuan dawrkai ho niin contractor te hi an hausa zawkin an ring thei ang a. Chutiang bawkin lehlam a awm leh ang a. Chuvangin Tender a tih a hi a thianglim berin min an ngai awm e. A tha ber tura rin apiang tih tum zel a ni ang a.

B.R.T.F. chungchangah hian, Mizoram sawrkarin la ve tawh ila, a maintain na na na chu kan thei ve tawh ang tih sawina te pawh a awm nual a. An mahni pawhin min laktir chu an duh zawk lam niin a lang a. Mahse he thua kan ngaih dan lo siam tawh hi member te pawhin min hriat thiampui a tul hle. Tunah lo la ta ila, a thawk thiam mi kan nei lova, hnam dang mi lak luh a ti tul ang a, tuna kan neih P.W.D. lam mah hi n phai lama mite nana khai khin chuan an changsei lutuk niin a lang a. Chuvangin B.R.T.F. kawng thua min nawrna hi chu tunah mai chuan lak la hun lo deuhvin ka la hria a ni.

Tin, Chhimitupui lam tute thil tam tak kha en zui leh tihfel chu kan tum ang a. Tuna ka han sawi lan bak pawh chu ka note nual a. Chuti chu sawi chhuah chin chu ni mai sela. Member zahawm tak takten Demand No.21-na hi min pass pai turin ka ngen e.

SPEAKER: Hemi Demand No.21-na Rs.79,56,800/- hi a remti apiang in Aye ti ru le (Member ten Aye an ti a) A remti lo in No ti ula (Member te an ngawi a). Awle, kan passed a nih chu. Tunah Demand No.30-na hi Hon'ble Chief Minister in han move sela.

PU CH.CHHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for grant No.30 for Rs.81,09,000/- for meeting the expenses on Public Works in the Public Works Department.

PU R.ZOLIANA: Pu Speaker, Demand No.21-na kan sawi zo tawh a. Demand No.30-na nen hian a in ang chho hle a, kan passed nghal thei mai lawm ni.

PU J.THANGHUAMA: Pu Speaker, pass mai chu a tha a, amaherawhchu Chief Minister kha point eng eng emaw kan hriat duh kan zawt a. Serchhip - Thenzawl kawng chu B.R.T.F. in an la ang a ti a. Civil kutah a awm leh ta tih ang te.

PU LAISANGZUALA: Pu Speaker, hei kan Assembly ah hian P.W.D. kan sawi sel fova, nimahsela P.W.D. ah hian mi tha tak tak an awm a. Tender chhang, pawisa nan a thawk an awm a, officer ten an lo hnial in an lo vau zawk hial thinna te a awm a. Tin, pawisa ah chauh hian corruption a awm lo va, Administration lamah pawh a awm ve tho a. Demand No. 30-na a lump-sum grant maktaduai khat dawn lai awm hi fel tawk ka ti lova, kan Chief Minister in khawngaih takin min hrilhfiiah thei se ka duh a, tin, Lt. Governor compound achi n chhim lam hi min theihngihl viau a, Town Road chungchang ah te hian min ngaihtuah ve tawh se, Hospital atan cheng nuai thum leh singnga lai hman tur a awm a, Zoram pum huap a nih chuan a thahnem tham viau dawn a, heng kawngahte hian Aizawl chhimlam hi ngaihtuah tel pawimawh ah tang ngei tawh se ka ngen duh tak meuh a ni.

Tin, Aizawl khawchhung kawngte hi an te hle mai a, lit thei veivak a tam tawh si a, hengte hi engemaw kawnga tih fel that deuh nise ka duh bawk a, District Council awmlai Khan Commission siam a ni a. Kawng ft. 30-a zawuhna tura enchhuah vek tawh a ni a, mahse ram in singsak buai in ro khawlhna a siam avangin tih tak loh a ni a. Hei hi kan Minister zahawm takte hian min ngaipawimawh sak se ka duh tak meuh a ni.

PU J.THANGHUAMA: Pu Speaker, tawite, kawng siamna tih azarah chuan an thawk tha viau angin kan sawi thin a. Mahse Aizawl chhungah hian han kal dan dan ila - A lang lei chauh, heng lai Office-pui vel leh heta tanga hmar lam tlang dung chauh hi a tha chu a ni. Lt. Governor Bangla atanga chhim lam chu ngaihthah vek a ni.

Tin, Hmanni Khan sawlai ah sawn ka va leng a. Pu Sangliana, M.P. in kalkawng chu siam tum sain, kawngah chuan rora an lo chhek nghek mai a. Hengte hi engnge a tulna. Heng mi mal panna te hi tih theih a nih chuan Lt. Governor Bangla atanga chhim lam hi a chhe si a, eng vang a siam loh bik nge? Sabinga lung atanga U.P.C. Biakin thleng pheh hi chu a zim lutuk a, chuvang chuan chet sual palh pawh a hlauhawm lutuk a ni. Chuvangin P.W.D. te hian nasa taka tan an lak a ngai ang. Hmun thenkhat, Aizawl pawn lama mite lek pheh chu Cumberling-a lehkha dengin an nileng mai mai fo va. Chutianga khawsak a hun tawh lo.

Tunah pawh hei, P.W.D. ah hian sanction a tam hle mahse a thenin thawh tur tam tak thawh sen loh in an hmu ang a, an thawh sen loh kha tute emaw an pe leh chhawng ang a. Hensa an hausa tial tial ang a, rethei an rethei tial tial leh mai dawn zawng a nih hi, a va pawl leh nasa dawn em! Chuvangin contractor lak thuah hian sem rual lam i ngaihtuah deuh teh ang u khai. Kumina nuai khat hmu chuan kum khat chu chawl rih se. Chutiangin kan tih loh chuan retheih lutuk avangin French ram anga revolution chhuah palh pawh a hlauhawm hlel lo, khatiang kha kan ni dah ang e. Taima takin hna i thawk ang u, muan a hun ta lo. Hnathawktu an tlem, hnathawh tur a tam tih kha ka han chang thlan leh teh ang.

PU LALKUNGA: Pu Speaker, Chanchin bu-ah te kan hmu thin a, Contractor te an vui hle thin a. Sealed Tender ah te Member zahawm takte hian hming kan lo chuan tir emaw ni? Chanchinbu ah te a chhuak hnem hle tawh thin a, chuvangin betti a mipulin a bengchheng an siam te hi kan zuk thlir fo a tul ang a. Tin, P.W.D. hi Ar nghal ang mai an ni a, ven ngun an ngai reng mai a, an mahni hmunah (ram hnuai a riah buk) an awm duh hauh lo mai. Khawlai an leng a, tin, V.Labour la an duh dan dan in an chhawr mai a, khaw mipuite leh sawrkar pawh zah lo an ni. Hengte hi engahunge han zuah reng ang? Tin, hnathawhna atan lung halna te hmanrua eng eng emaw a lo ngai a, hengte pawh hi an supply thei si lo. Hengte hi ngun taka thlir a ngain ka hri a.

SPEAKER: Tunah Chief Minister kan ko tawh ang a. A hma a mi nen pawh khan han sawi kawp mai sela. Kan Minister te hian kanrawn ti ang e, an tih te hi kan ring hlel tur a ni lo a. Awle, tunah Chief Minister ko ila.

PU CH.CHHUNGA,

CHIEF MINISTER: Pu Speaker, Demand No.30-na ah sawiselna lutuk a awm lo hi a lawmawm viau va, kan Member zahawm tak ten min pass sak leh pawh ka beisei bawka a.

Tin, kan Member zahawm tak ten in tawh ang thil fel lo tak te chu enfel chhoh zel an ni ngei ang. Thenzawl Tender chungchanga sawiselna awmah khan, keini lam pawh sawisel kan kai hial a. Contract hna dilna ah M.L.A. ten recommend na nei nia sawi awm pawh kha thil pawi lutuk phei chu a ni lo ang a. Tin, Seal Tender ah hi chuan recommend na chu vak a ni lovang a, thian thenkhat ten an lo-ti a nih pawhin chu chu ka hre lova.

Tin, khilai kawng chho, Pu Sangliana, M.P. awmna khi Pu Sanga kawng chho bik tia sawi tur phei chu a ni lovang a, Publicity kawng tih emaw Pu Sainghinga kawng emaw ti ila, a dik mah mah zawk ang a, khilai khi Babu tiang hla zawk tih a ni thin a. Tin, A.R. te pawh an awm a, chutiang in sorkar hmun pawimawh a nih avangin a kawng chho saw siam a ni.

Tin, Contract hmu-in an hmu zing lutuk a, a fel lo a hmu zing chu chawl rih rawh se tih ngaihdan awm te pawh a tha viau a, ngaihdan hrang hrangte hi a awm thei reng a. Ngaihdan nei pawhin ka nei mai a. Tin, khulai Lengpui Mohurir chungchang kha chu kanrawn ngaihtuah ang. Officer thil enfel peih takte hi an tha ber fo va.

Tin, Thenzawl lam chu B.R.T.F. tenrawn lak leh an tum a, an awmna sa reng a lo nih bawka avangin an tan maintain a remchang tih thu a ni mai a, an la ngei dawn tihna zawng a ni lem lovang a. Serchhip te Darlawn te leh hmundangte pawh la tih fel zel tum a ni bawka.

Tin, Labour chhawrlai mahni private a lo chhawr chu thil fel lo taka ni a, La en fel zel chi a ni bawka.

Tin, Political Transfer chungchang chu thil fello

(Pu J. Thanghuama: Pu Speaker, P.E. in a Stenographer a ban tawp chungchang leh Serchhip S.I.B. chungchang kha min chhang hram sela).

Pu Speaker, engpawhnise, ka sawi tawh angin hna hi enfel a tul tawh viau reng a, mimal han inchachhuah te hi Mizo tan a kan thil hreh zawng a lo ni thin a, a sadai hi kan hel kan hel a, a tawp a han in tih chhuah tawh vek vek chuan kan thawn a na leh viau thung a, engpawhnise, chutiang mimal fel lohna thilte kha chu he laiah sawi vak tulin a lang lova.

Tin, kawngpui dung (Aizawl khawpui) hi tih that theih awm na lai lai chu a awm bual ang a, zawng hi a zim in a la tawi reng reng rih a, lir thei in pelh harsatna leh a tlan dan thute pawh siam fel a la ni lova, One-way a tan a hman theih pawh a la tlem hle a, Bazar Bungkawm te, Thakthing te, Canteen hui te hi One-way a tih theih awm chhun te chu an ni rih mai a.

Tin, saw lai chhimlam khawphei te saw a kawng han zauh vak dawn ila, a ko a sangin a hnuai lam pawh a hlauhawm lutuk deuh in a lang a. A reng reng thuah Aizawl chhimlam pang saw thlahthlam an ni hauh lova, a hmun saw khaw hlun tak leh hmasa ber pawl a lo ni a, an chepin, Hospital leh Post Office hmun tur saw a vang tawh a, khaw hlun a nihna saw develop a harsat phah mah mah zawk a ni. Ngaihtah vang zawng a ni love, la tih phuisui zel tum a ni a, a kawng lam lek phei chu loh theih lohah ka lo ngai zawk hial a, kan la ngaihtuah zel ang.

SPEAKER: Demand No. 3-na atana Rs.81,09,000/- tih hi a remti a piangin Aye ti ru le (Member ten Aye an ti a) A remti lovin No ti ula (Member te an ngawi a) Kan passed a nih chu.

Hei pakhat kan la neia, Demand No.22-na Chief Minister in han move leh sela.

PU CH.CHHUNGA,

CHIEF MINISTER: Mr Speaker, On the recommendation of the Administrator of Mizoram, and with your permission Sir, I move the Demand for grant No.22 for Rs.340000/- for the services of Inland Water Transport & Road Transport Organisation in the Public Works and State Transport Department.

SPEAKER: Hun kan ren deuh tawh ang a, a tiai deuh tawh avangin. Tunah a duh chuan han sawi rawh u le.

PU CHAWNGKUNGA: Pu Speaker, Demand No.22-na thu hi

Pu Vanlahruai leh Pu F.Hrangvela te bial tan chuan a hman theihin a tul vak lo mai theih a. Ka bial lam tan erawh chuan a tul hle thung a ni. Ka bial lam atan chuan he Budget hi a tul a, nakum January thlah chuan kan tan hman ngei dawn a, Tin, January atanga April hi hna thawn hun tha ber a ni. Tin, Pu Ngurdawla bialah pawh a pawimawhin hman theihna tur a awm ve viau in ka ring a. Khulai Buichalidor leh Asmanidor te khu hmanlai tawh a lawng in herna hmun thin te an ni a. Tut leh Teirei lui te pawh khu chutianga hman theiha chei turip remchang a awm nual hlawn a. Teirei in
... .. lak chhak lamte khuan Rs.40,000/-

PU SANGKHUMA: Pu Speaker, ka inti neitu deuh pawh a ni thei a, kan Busget te hi kan en chuan he mi tur hi a tlem hle mai a. Luidung pawh Tuivai te, Tuirial te etc. kan nei nual a. Heng atan hian, tha deuhva chei dawn chuang cheng tam tak a ngai dawn tih hriat a ni a.

Hei hmar chhak chho zawng zawng khi chuan kan thil chin zawng zawng te hralh chi suma kan chan ve theihna chu luidung kawngah hian a ni a. Chu chu kan nunna ber a ni nghe nghe a ni. Mahse luidung kawng a awm loh chuan chung eng chu a hmuh theih si loh. P.W.D. lam kan uar hle a. Hei hi chu a tul tho nain, a chhawr pha tan chuan P.W.D. aini lui dung kawng hi uar a tul zawk a ni, chu chu engkim lak luh nan leh hralhna an nih avangin Tuivawl chhuah leh Tipaimukh ah chuan thil a to hlein a hlawk hlei em em mai a. Chuvangin Tuivawl chhuah thleng khi chuan lawng lian kal theih turin kan siam ngei ngei tur a niin ka hria.

Tuna he mi lama an staff siam te hi a tlem lutuk em a. Tun atan hi chuan kan siam tha hman lo a nih pawhin nakum budget ah chuan staff tam zawk leh sum hman tur tam zawk buatsaih ngei tur niin ka hria.

PU NGURDAWLA: Pu Speaker, ka ngaih pawimawh ber a ni a. Pu Chawngkunga khan a sawi tawh a. Tin, Pu Sephiana khan lo sawi ang che tiin min chah reng reng bawh a. Khawchhak tuipui in Burma lamah Akyap a pawh a. Tin, Khawthlang tuipui in Bangladesh a pawh bawh a. Chuvangin luidung hi border trade atan a pawimawh em em a ni. Chuvangin Inland Water Transport hi a pawimawh em em a ni. Kan sundawna, kan thawna kan lak luh ve na tur hi Inland Water Transport hi a ni a. Chuvangin Tlawng dung phei hi chu tih thuai tur niin ka ngai a, kumin ah ngei hian tih tur niin ka ngai a. Pu Chawngkunga sawi ang khan hmanah Pu J. Manliana pawhin a lo bei tawh awm a. Tlawng dung phei hi chu tangka tam lutuk seng lovin a lawng (Ferry-boat) siam theih mai dawn a ni. Suar chhia han siam ngai deuh te chu; Asmanidar, Buichali te leh suar tenau deuh, Suarhliap te an ni a, heng luia lung hi lung changlo tak a ni a, chhut keh pawh a harsa lo. Nakkum budget lehah phei chuan hei aia nasa in leh hnathawktu te pawh an lo awm tawh ang a.

Tin, Inland Water Transport Silchar lama awm te khu chu, kei lak chhuah leh tlakah pawh ka ngai lova, midang tha tak tak lak turte pawh an awm ang a, chung chu lak ni zawk se a tha lawm ni ka ti a.

Tin, Tlawng bak hi chu tuna han tih mai turah hi duan ka hre lo a ni.

PU IALKUNGA: Pu Speaker, Forest chungchangah Khawthlangtuipui kan vel khu kan sawi hnan ta lova, khulai khu a ngaw a chereu in thing leh mau pawh a awm tawh mang lova, Forest thil tam tak a pil bo tawh a. Tin, a lui khu a damir Lawng lian pawh thui fe a kal thei a. Bangladesh nena in sundawn tawn pawh a theih viau ang, mahse chu lam chu sawi vak a tul lovang a. Kan Budget kan en chuan Bus tlan tirna tura ruahmanah chuan Aizawl - Silchar, Aizawl - Lunglei leh Aizawl - Champhai kawng deuh hlii sawi a ni a. Aizawl - Sairang hi sawi

Buai hma khan Parvatui kai thlengin a kal tawh a, Sabual pawhin an khaw thlenga la chho turin tan an siam hman hle a, mahse buai khan a umbo leh zo ta a.

PU SAITLAWMA: Pu Speaker, Inland Water Transport thua thu tlemte han sawi ve ka duh a. Member zahawm tak Pu Ngurdawla khan Chhimituipui chanchin kha a han sawi hlek tawh a. Ram buai hma khan Inland Water Transport Department in he lui dung kawng hi a enkawl tawh a, mipuiin an chhawr em em a. Serkawr khua a mi Pu Petera khan he luidung ah hian bungrua a thawn thin a, thii remchang tak leh awl ai tak a ni tih hriat chian a ni a. Darzo Ferry atanga Saiha Ferry leh Serkawr ferry thlengin awlsam taka bungrua thawn theih a ni thin a. A chhawr phaktu mipui pawh an tam em em. Tunah phei chuan a luidung tluan deuh thaw in W.R.C. siam a ni tawh a. Chuvangin he luidung kawng hi sawkar in siam thain mipui chhawr theih ngei turin bei zui nghal thuai sela, tih hi ka sawi duh tlat a ni.

SPEAKER: Tunah Transport Minister in han sawi mai se. Ama pual a ni nghe nghe a.

PU R.THANGLIANA, MINISTER: Pu Speaker, he kan Demand chung changa kan Member zahawm takte sawi kha tlema han sawi fiah leh deuh ka duh a. Assam hnuaia kan awm lai khan Directorate hnuaiah kan awm thin a, Staff 19 vel an ni a, an tlem hle a ni. Sub-Division in dah a ni a. Silchar ah khuan an awm a. Mahse U.T.-sawrkar kan lo neih hnuin Dan hmangin Zorama awm chu Zoram ta, Zoram pawna mi chu randang ta an lo ni ta a. Staff kan lo nei tlem ta sawt a ni. Wark-charge pawh khulam mi an pe a, mi 6 lek la awm te chu tun thlenga hlawn pek an la ni lova, la ngaihtuah mek a ni. Chuyang chuan Provision siam a ngai a. Kan member zahawm tak tak ten thil pawmawh leh tul tak tak te an rawn sawi zel a, a lawmawm hle a ni. He Inland Water Transport hi P.W.D. lama dah tumna te a awm nual tawh a; heni a tan hian Nuai 6 vel dah a ni a.

Kan sawi tawh angin khawthlang lam Lui te hi an pawl mawh hle a. Air lam aian bungraw tawh nan pawh a man a tlawm a zawk bawk a, mahse he Department hi a awmdan a la fel chiah thei lova, nakin lawkah erawh chuan tihfel thuai tum chu a ni tho va.

Tin, tuna Road Transport lamah hian pawisa tam tak ruahman a ni a, chubakah Budget a tel lo nuai 15 emaw vei lai awm thei tura ngaih hi la telh zel tum a ni a. Bus service te pawh tunah hian Private ta deuh vek an la ni hlawn a, hengte hi la in biakrem dan ngaihtuah a tul a. Private Motor ho hi tih chep vak chu thil fel a ni thei vak biak lova.

Pu Speaker, Pu Zalawma thusawi kha han sawi fiah leh ka duh a, Contract hna hi vai hote duhsak viau ni awm a a sawi kha, a dikna chen chu a awm thei ang a, vai hote hi zu dawr ber an ni a, Tender chhanah te an chhang hniam thei a, entirnan - Aizawl atanga Lunglei a thil phur turin vai ho chuan Rs. 22/- vela an chhan hniam ngam lain, Mozote chuan Rs. 30/- chuang daihin emaw an lo chhang a, rate thumun in chhang

Tin, lui lamah Contract te pawh Mizo in la se kan ti a, mahse Mizo te hi an lo tha vek seng lova, Silchar a an zu in tawlh thla te pawh an zu buai vel mai mai hlawn a, an sundawna engmah lovah an zu chan ta mai thin a, an chet that loh ~~you~~ in an tuartu chu keimahni Mizote ngei kan ni leh si a. Chuvangin a pawng a puia Mizote in duh sak bik hi a theih lohna chen a awm ve thei tlat a ni. A theihna chen chenah erawh chuan Mizote thlah thlak tumna a awm ~~eh~~ hauh lo a ni tih ka sawi duh bawk a.

A tawp berah chuan he Demand No.22 hi sawisel teh chian a awm lova, member ten min pass pui turin ka sawm duh a ni.

SPEAKER: Demand No. 22-na atana Rs. tih hi remti apiangin Aye ti ru le (Member ten Aya an ti a) A remti lovin No ti ula (Member te an ngawi a.) Kan passed anih chu.

Kan chawl rih ang a Dar 2:30 P.M. ah kan lut leh ang.

Recess till 2:30 P.M.

2:30 P.M.

SPEAKER: Demand No.24-na Hon'ble Chief Minister in han move sela.

PU CH. CHHUNGA,
CHIEF MINISTER: Pu Speaker, On the recommendation of the Administrator of Mizoram and with your permission Sir, I move the Demand for grant No.24 for Rs. 2,22,840/- for the services of Printing & Stationery in the General Administration Department.

SPEAKER: Hemi Demand No.24na chungchang ah hian sawi duh nei chuan han sawi ula.

PU R. ZOLIINA: Pu Speaker, Demand No.24-na Stationery and Printing chungchang thuah hian tlen sawi duh ka nei a. He thil hi a tawngkaina mipui ah leh sawrkar ah kan zu chhut ngai lo pawh a ni mai thei a. Assam hnuai ah kum reife Stationery and Printing ah hian ka thawk tawh a. Tin, tun kan budget ah hian, hemi atan hian cheng nuai 2 zet kan nei a, he Printing and Stationery ah hian mipuite tana a harsatna leh a that tawk lohna a lang thei a.

Tin, Budget pheik 246 kan en chuan thil ruahman dan kan hmu a. Heta ka han sawi duh ber chu sawrkar hian hetiang khawl hi a la nei lova, tunah hian Public ta kan hawh a ni ber mai a, ram dang changkang zawkah te chuan hetiang khawl hi an hman uar em em tih kan hre theuh ang a, tunah hian a awm chhun chu Publicity ta a ni mai a, hei hian a hmu a ni ber rih mai a. Assam Gazette kan thir chuan thla hui a mi pawh kan la hmu lo hlawn ang a, Chutiang chuan Public ta in sawrkar thil chhut a ni tlat mai a. he thil hi mipuite leh sawrkar tan a pawimawh

Tunah hian Mizo zingah Printing Technology thiam kan awm lo a nih pawhin mithiam rawih ni mai sela, he thil hi tun kan budget ah tel thei lo rih mah sela, nakin lamah ngaih pawimawh hmasak berah neih nise, tin, a staff lam chu sawi vak pawh a la tul lovang a, a neih a neih hi thil tih hmasak ah tum phawt mai ila, tih chu ka ngen nghal a ni.

PU LAISANGZUALA: Pu Speaker, Stationery and Printing ah hian a Heading leh a chhunga thu awm hi a in mil lo vin ka hria a. He Department hi Mizoram sawrkar Stationery leh form mamawh zawng zawngte lo ngaihtuah tur niin ka hria a. Mahse, Editor te Journalist te an awm ta nuk mai a. He Department hi rel sual niin ka ngai. Ka lo hriat danin Press complete heng laia an hman thin ang hi Rs.20,000/- vel a lei theih niin ka hria a, pahnih lai pawh a ncih theihin a rinawm a. Sawrkar thip Print nan a hman tur niin a lang a, Directorate of Information in Printing charge atan tangka tam tak provision a ni bawk a, hemi Department in a chawi sak a nih chuan a fel lo ang a.

Hemi thil a Zoram pum huap Press leina tura atana Rs. 90,000/- lai hi a awmia ka hre thiam lova, min hrihfiah ka duh a ni.

PU CH.CHHUNGA,
CHIEF MINISTER: Pu Speaker, Demand No. 24-na sawi ho a ni a. Member zahawm tak tak ten lungruat taka min pass pui ka beisei a. Member ten an sawi lan ang khan heti lamah chuan kan tlachham viau va. Khawh chhutna pawh kan la nei lo va. Tin, he Department hi remfel a awm rih loh awangin engmah thawh pawh a la awm hran lova. Chuvangin Information and Publicity Department ah dah chu tha riha hriat a ni a.

Hemi thuah hian Central sawrkar pawh dawr mek a ni a, min remtih pui dawn pawhin a hriata. Chuvangin hemi tih theih hun chuan a fel mai a rinawm. Chutiang tih theih hma chuan handle ma Machine lo hmang mai ila tih a ni a. Khawh lian zawk te chu thawktu expert mi kan neih hunin Central sawrkar in min ngaihtuah sak mai dawn a.

Tin, Printing Technology thiam mi pakhat chauh kan nei a, a thawk ve mek a. Tin, thil dang member ten an sawi ang zawng zawng kha chu tun maiah chuan tih theih niin a lang lo.

SPEAKER: (English in a chhian a) Demand No.24-na remti apiangin Aye ti ula, a remti lo zawngin No ti ru le. (Member ten Aye an ti a) Awle, kan Passed a nih chu. Tunah Demand No. 25-na ah kan kal tawh ang a, Tin, he laiah hian lehkha pheh dang a awm a, in dawhkan ah khan a awm theuh ang a, Budget Volumn II pheh 267 ah in lo zep dawn nia.

Awle, tunah Minister zahawm takin Demand No. 25-na (Miscellaneous) han move se la.

PU CH.CHHUNGA,
CHIEF MINISTER: Mr Speaker, On the recommendation of the Administrator of Mizoram, and with your

PU C.LALRUATA: Pu Speaker, he mi chungchang thuah hian sawi tur tlem ka nei ve a. Tin, hetah hian ka han sawi ka han sawi duh chu phek 267 ah khan Gift and Rewards Rs.100000/- a lo lang ve a. Tuna kan Budget provision ah hian Chief Minister tih ah chuan tanpui ngai puihna tur (Discretionary Grant) nei lovin a lang a, pawl ka ti viau a. Eng eng emaw, mimal, a loh theih lohva tanpui ngai an awm fo avangin Gift and Reward tih hi a tlem lutuk lawm ni ka ti a.

Tin, Extratia grant ah khan Rs.1,00,000/- bawk a awm a. Hei hi a tlem hlein ka hre bawk a. 1968 lai vela Party lam thil kan chhut pawhin MNF te leh Sipai tih hlum zawng zawng chu 200 lai niin kan hria a. Chung zinga mi tlemte chauh chu tanpuina hmu an ni a. Hengte hi kan pe dawn vek a nih chuan fel taka thliar in MNF thah chu cheng in zat vek a pek a, sipai thah chu chuti bawk a sem a, hmah nei lova ~~mak~~ ruai taka sem ni sela. Tun hma Assam a kan awmlai kha chuan a thenin Rs.1000/- an hmu a, a thenin Rs.500/- lekte. A titu te ngaih mawh zawng an nih leh an hmu tam deuh mai a. Chuvangin tunah chuan mumal taka pek a tha hle ang. Chutiang atan chuan tuna nuai khat hi a tlem lutuk mai awm mange ka ti a. Rs.1000/- theuh pawhin sem ila chungkaw tlemte chauh a daih dawn si a. Thahnem deuh zawka siam theih nise a tha ka ti ngawt mai.

Tin, a hnuah hian Sipai thi chungte tanpuina tur ni awm tak Rs. 75,000/- a lo lang leh a. Hei hi chu chuti chiam in tun kum chung mai hi chuan an tam a rinawm lo va. Hengte pawh hi a changa tan hian divert theih dan awm se thain ka hria.

Tin, a hnuai loha U.T. lawmna tur emaw ni Rs.160000/- lo lang hi ka hre fiah lo viau va. Hei hi hmanah sanction awm tawh ang reng tein ka hria a. Tunah Budget ah a lo lang leh si a. Hei hi min hrilhfiah theih chuan a lawmawm hlein ka ring a.

Relief and Rehabilitation lam Estt. hi a te lutukin ka hria. Hei hi thingtlang mite pawhin an dawr ber a ni a. M.L.A. emaw, Officer tute emaw an ruai a, hmanh mawh takin haw mai duh tan te kan han nawr a. Tam mangang thute a lo ni nghal si thin a. Hei hi mi harsa leh mi mangangte lo dawrtu berte an nia. Chuvangin an indaih loh chuan an mahni an hah lutuk chang pawh ni lovin mipui lam tan pawh a harsat thlak lutuk a ni. Chuvangin mangangte an tanpui thuai thuai theih nan tih pun deuh ni se tih hi ka han sawi duh a ni.

PU J.THANGHUAMA: Pu Speaker, vawin a kan subject hi a pawimawh hlein ka hria. Rs.12,74,2170/- lai a ni a. Phek 267 na a U.T. hawn nan a Rs.1,60,000/- hi kumin a buaipui tawh a ni a, hei hi double expenditure tur em ni? ka hre duh a.

Tin, Ex-Gratia grants to Army personnel killed in action tih hi ka zuk hre thiam lova. Sipai Indona a thi te chungchang niin ka hria a. Sipai te chuan an mahni an inpe mai a. Family Pension te thlengin an in pe a ni a. Kei ni lo pek ve tur em ni? Kan Budget a a lo lang ve ngawt hi ka hre thiam lo a ni.

Tin, Zoram buai avanga thi atana Rs.1,00,000/- tih hi a tlem lutuk. Hmanni ah kan sawi tawh nual a. Thingtlang atangin mi an lokal a, sawipuitu nei tha lo chuan an hmu tlem a, hmu thei lo pek a tur. Thankhat ta avangin Rs.500/- hmu ta

Ka bial lam mite pawh an awm nual a. Union chhungkua a mi te an ni hlawn a, chungte chu ka tihpui hlawn a. Tun thlenga hmu lo te pawh an la awm a ni. Chutiang chu tam tak an awm.

Chuvangin Enquiry Commission din a tha-in ka hria a. Tunah pawh a tih mai theih in ka ring a ni. Hengah te pawh hian voh bik nei lovin in ang theuhva pek nisela. Nuna hi a in ang veka, hlu bik a awm lova, mi lian leh te thliar a ngain ka hre lo. Thliar chi pawh a ni lo. Tin, Commission hi din ngei nise, chutih hma chuan la pek loh nise.

Tin, buai avanga In hal sakte kan awm tho a, Commission hrang theuhvin dah nise ka duh a ni.

Tin, Reward for Destruction of Wild Animals tih ah hian silai hi khaw tinah 5 (panga) emaw a aia tam emaw thawn chhuah vat hi a tul tak meuh a ni.

Tin, Republic Day and other State functions atana Rs.50,000/- tih hi tun tumah te khan a ro hle mai a, State Dinner te pawh a awm si lo. Hetiang a awm si nep lutuka tih hi a fel lo.

Tin, M.N.F. in surrender tana tanpuina tih hi a tlan lutuk a, tih tham deuh hleka tih a ni tur a ni.

Tin, Transport Porters te an ti duah mai a, hei hi a tulna reng reng ka hre lo. Kan zingah Transport chhawr pawh an awm lo. Motor deuh veka zin kan ni, hei hi ka object a ni.

PU SAITLAWMA: Pu Speaker, Demand No.25-na chungchang ah hian sawi duh ka nei ve a. Tuna, Opposition Leader zahawn tak Pu J. Thanghuama khan Enquiry Commission te siam in Mizoram chhung chu tun thla ah ngei pawh hian enfei vek theih a nih a rin thu kha, a han sawi ngawt a. Vawlin hi 30.10.1972 a ni a, tih fel vekna hun a awm tawh rih lo reng reng a ni. Tun thla chhung hi chuan.

National holidays heng Republic Day te, Independence Day leh ni pawmawh dangah te hian Mizawl chauh ni lovin, thingtlang khuaah te hlei hlei hian sum sen tur sawrkar hian a pe tlem em em a. Tin, hetiang thil hlim hlawp mai mai atana sum sen chiam te hi thil tul tak pawh niin ka hre lem lo.

Hengte ai chuan, Relief grant emaw, Rehabilitation grant sawrkarin thingtlang lam unau te a pek thuai thuai a tul zawk daih a ni.

Ram buai avanga rapthlak tak a sipai ko kut tuara boral ta te tanpuina tur pawisa sanction kan budget ah hian a lang hauh lo mai a. Hengte hi thil mak a ni. Mipui pawh in an beisei hle si.

Tin, chubakah ram buai avanga sa himna leh eizawn awl samna lam pan a, Mizawl leh Lunglei khawpui a pem lut te tanpuina pawisa hmuh ve dan tur thuah Assam sorkar khan min dang tlat thin a. Tuna Mizoram sorkar tharah hian chung mi mangang te chuan beiseina an nei sang em em a. Finance Minister Lunglei a a rawn sin lain June thla khan kan din hmun harsatna

Chubakah Lunglei District a khaw thenkhat Zobawk Grouping Centre, Tawipui G.C. leh Thingfal angah te pawh sawn, Rehabilitation grant la dawng ve lo an la tam a ni. Tin, Group Centre thenkhatah te phei chuan A.O. aww mumal lohna te a lo niin leh A.O. te ngei pawh an fel tawk loh avanga, an dawn tur leh hmuh ngei tur la hmu ve lo tam tak an la aww bawk a ni. Heng mite dinhmun hi sorkarin ngaihven zui ngei turin ka ngen duh bawk a ni.

Pu Speaker, Transport Porter chungchang thuah sawi tur ka la nei fo mai. Budgeta a lan dan hian kum hluiah te khan he Department atan hian pawisa tam tak hman ral a lo ni a. ~~Maise~~ Member zahawm tak, Pu J.Thanghuama sawi kha a dik ka ti. An hlawh chu pek an ni ngei thin tak na a, sorkar duty erawh chu an thawk tlem hlein ka hria a ni. Transport lam hotu an Supervisor thenkhat te phei chuan Porter pahni/pathum lai te hi an lo lam enkawltu atan an chawr ru thin nia hriat a ni. Heng thil te hi sorkar in en zui a tul hla a ni. Porter \$00 rual zet aww siin, Sub-Inspector of Schools te chuan an hna thawk tura an zin chhuah dawnte pawhin Porter hruai turte an nei thei lo fo mai. Hei hian sorkar hna kal pangngai a ti khawlo zo vek a ni.

Transport hotute thingtuah phurh sak leh huan pal pin mai mai te hi tun hnuah chuan aww tawh ngai lo se, tih hi mirud duh dan a ni. Heng thil dik lote siam tha tur hian kan Minister zahawm tak te hi theihtawp a tan la turin ka ngen takmeuh a ni.

PU D. ISANGZUALA: Pu Speaker, pheik 265 na a Market Estt. kha hmanni ah ka sawi tawh a. Hei hi hmun thum (Department thum) lai atangin enkawl a ni a. Chubakah D.C. a lo aww leh a. Chuvangin hetianga enkawl thei tu an tam hi a buaithlak lutuk a ni. Secretariat lamte hi chu heng thilte neih neuhvah hi chuan inrawlh lo se a tha ang. Bazar leh thil dang thenkhat, then loh theih lohte hi chu then pawh lo ni se. then loh theihthe chu hlawm khawm hram aww niin ka hria a, a enkawl a awl zawk nan.

Tin, pheik 267 a mi Surrender M.N.F. te tanpuina tur tih hi an sem tawh emaw. Hengte hi pek theih chin chin chu pek thuai ni se. Rehabilitation hi pek thuai thuai a thain ka hria. MNF te hi hman ni Khan Chief Minister zahawm tak Khan han demna deuh kha a nei a. Heng thil thenkhata fel lohna hi chu retheih luat avanga khawihthe pawh aww thei a ni a. Chu chu hre rengin tanpuina pek hi tum ila. Tin, Family maintenance allowance hi tang chhung zawng zawng hnenah pek vek nise; tichuan sawi sawi buai aww tawh lovin, Tin, fel thei ila a thain ka hria.

Tin, Estt. of Rehabilitation and Relief kha chu Secretariat level a tih a nih chuan a tawk bawk a. District level in an neih tho bawk chuan. Tin, subsidy & arrear claim Rs.84,00,000/- aww hi Department hrang hrang atanga enkawl hi thil buaithlak lutuk a ni a. Hei pawh hi enfel leh zual ni se.

Tin, pheik 269 a District Council pathum te tanpuina tur (grant) Rs.1.00.000/- hi a tlem lutuk a. Enqa han hman tham

PU HRANGAIA: Pu Speaker, kan budget Demand No.25-na chuan Member zahawn tak tak ten an sawi tawh angin thil chi hrang hrang a tam hle mai a. Chumi zinga Budget leh atana telh ve atan ka duh chu: Republic Day a hman ang chiah hian kan hnam tih pui ni, Chapchar Kut ah te, kan hman ve turin Cultural grant awm ve thei sela tha ngawtin ka ring. Republic Day te Independent Day ah te a chawimawi nana kan thil tih tam ber te hi kan culture thil vek, hne hun hi chawimawi kan ni a. Chuvangin kan Chapchar Kut function a hman tur siam ni thei ve se ka ti a ni.

Tin, chu lo lehah chuan kan tam buai avanga tuarte tanpuina ni awm taka lang chu, tlem tham ka ti a, kan ram buai avanga tuartute hi an tam em em a. mihring tih boral pawh ka Diary a ka lo ngawt pawh 142 lai an tling a, chungte chu ramnuai lamte kuta boral niin an lang a. Tin, Sipal lamin tibuaitute ni ve hlei lo engemaw zat tih boral an nei bawk a. heni atana heti zat lek an ruat hi kum dang budget ah chuan hei aia tam hi ni tawh turin ka han sawi duh bawk a ni. Kan ram buaia vanga boral ta te hi Pu Vanlalhraia bialah ngawt pawh 10 lai an awm a. Tanpuina tun thlengin pek an la ni lo bawk. An pekte lah chu a inzat lo a, a then an pe a a then pek lo si hian awmia a nei lo hlein ka hria.

Ka ngaih pawimawh ber pakhat chu kan hnam tana ni pawimawh taka hman tur kan budget a a awm ve hauh lo hi pawh ka ti a, chu chu ka han sawi ve duh mai a ni e.

PU SAPLIANA: Pu Speaker, Demand No. 25-na hi member zahawn tak ten kawng hrang hrangin an sawi tawh hlawn a, ka han sawi ve duh chu District Council pathum te dinhmun a ni a. Liabilities on pay and allowances (Defunt Mizo District Council) tih hei Budget ah a lang a, a lawmawn hle. Mahse P-L Regional Council pawhin liabilities a nei teuh a a lang hauh lo mai a. Assam sorkar hnuafia kan awm lai khan P-L Council chu tanpuina pawisa tam tak a pek ka ringhlel lova. Mahse Council a thu neituten eng ang in nge an hman chu hriat a ni lova. Hnathawk te erawh chuan hlawn an la meuh lo. Thia 33 hlawn la lova thawkte an awm nual tih chu ka hria. A.G chuan connected A/CS a audit a 15.7.70 thleng khan cheng nuai li leh sing ruk vel arrear a awm tih a hmu chhuak a, mahse action engmah lak a awm chuang lo. Tunah Mizoram U.T. a lo nih a, Pawl-Lakher leh Chakma chu District Council hrang a dah an nih hnu pawhin arrear a awm leh teuh tawh a ni. Assam sorkar a kan awm lai a tanga vawiin thleng a hlawn arrear chu cheng nuai 6 aia tam a tling tawh nghe nghe a. Sorkar in pawisa tam tawh a pe chungin hman dan a dik loh avang nge arrear heti zozai ta mai hi hriat thiam pawh a har hle.

Engpawh nise, Officerleh staff te an rethei rei lutuka, kan sorkar thar hian a rang lamin arrear hi pe ve se ka duh a ni.

Tin, chhimlam saw autonomous District Council 3 laiah then a ni ta a. Council 3 te saw Source of income a tlem lutuk a an in todelh thei lova. Budget ah hian plan atan nuai khat Council 3 tan a lang a. Council 3 in an

Entir nan - Pawi Council ah chuan Administrator in a dah bakah Officer 5 leh staff tam tak lak belh zel a ni a. Tunah 86 zet an tling ta mai. Tun hnai deuh a sorkar in tanpuina pawisa singriat hlauh atan a pe a, mahse hnathawk ho chuan thia hnih hlauh chauh kan la thei a ni. Chutia tanpuina pawisa lam a pun theih loh chuan a chhan Council ah ngei hrilhfiah sak se ka duh bawk a ni. Chuti lo chuan Council a chhe do dawn.

Tin, Pawi, Chakma leh Lakher chu Regional Council ah thia khat emaw lek an awm hnuin District Council a hlan an ni a, chu mi in Karah pawh chuan hlauh arrear a awma. Sorkar in fel taka chhutin pe se ka duh a ni.

Tin, nuai 14 leh sing 5 hi eng anga hman tur nge tih hriat ka duh bawk a ni. Kan hotu ten min hrilh thei se, heng ka sawi te te hi kan sorkarin min lo hriat sak turin ka ngen nghal e.

PU LALKUNGA: Pu Speaker, hei kan Chakma thian ten thu an sawi v e theih loh avangin ka han sawi sak dawn a ni a. Heta District Council pethum atana Grant 1,00,000/- awm hi engtia sem tur nge ni ang tih hi an hre duh a, chu chu Minister i/c in ehhang thei se.

Tin, tuna keima mi malin ka ngaih pawimawh chu phek 267 a Diet charges of non-criminal lunatic and burial charges tih a Rs.56.86 (in thousand) thu hi a ni. Jail ah sawn mi a te an awm fo thin a. Hetiang mi a te hi an at chhan pawh a inang lo va. Chaw tha peka nep deuh thei chhi pawh a awm a rinawm a. Chutiang leh thil dangah pawh midang ai chuan enkawl na tha an mamawh hle a ni. Tin, mi a ta na na na chuan Jail Warder te pawh vuak te hi an tuma ut ut thin chang a awm fova. Chutiang chuan enkawl that an pih loh chuan an at te pawh a zual tawh tawh thin.

Hetianga tanpuina leh enkawl bikna te hi sawrkar in a lo siam ~~likan ke~~ thin chu, tun hma khan enga tan nge a riral a, khawiah nge an lo hman thin tihte pawh min ngaihtuah tir thin ~~kk~~ a. Fel lo taka an lo hmang a nih pheh chuan a pawh hle ang a. Engpawh ni se tuna keimahni sawrkar, ngei ah hi chuan tha tak loh a nihna tur ang taka hman a nih a beiseiawm ngawt mai.

Tin, Surrendered MN.F. te hian an dawn tur awm an hmu lo hle niin a lang a. An han dil leh Chutiang tur sanction kan nei lova. sorkarin a ba a ni ang, te an lo tih san mai mai a. Sorkar hi a thutiamah a rinawm ngei ngei tur a ni.

Tin, phek 265 mawnga Circuit House Chowkidar leh IV Grade tih hi a chiang lovin ka hria a. Sawfiah nise.

PU K.L.ROCHAMA: Pu Speaker, Demand No.25-na chungchangah Member zahawm tak tak ten an sawi tawh nual a. Tlem te-in han chhonzawm ve ka duh ~~ah~~ a. Ka hmaa member zahawm takin a sawi angin Chhimitupui District chuan P-L Regional Council leiba nuai 6 lai pek tur awm ni awmin a a lang a. Sawlai unaute thiltih dan saw noun taka enpui ngaiin ka hria. Tunah chuan

Tin, Rehabilitation grant chungchangah Grouping Centre a awmte chuan an hmu deuh vek tawh a. Mahse Lunglei leh Mizawl khawpui a lo lut te tan engmah ruahman a awm ve rih lova. Rambuai lain mi thenkhat Grouping Centre a awm tura tih, mahse an nunna ven him nana khawpui a phalna neia lo lutte leh thenkhat te chu sawrkar in a khalh luh ngei te pawh an awm a. Entir nan, Fukupui khua a hel lam tanga an ngaih deuh te chu hremna angin Zobawk G.C. ah an khawma. Heng mite hian Rehabilitation grant Rangva leh pawisa an dawng tawh a. Mahse an thiante sawrkar lam tang zawk nia sawrkarin a ngaihte chu Zotlang ah te, Serkawn ah te Lunglei ah te an sawn kual an sawn kual a. Tanpuina engmah an hmubawk hek lo. Sawrkarin a sual apiang a tanpui a, ~~wak~~ mi rinawm te an dang zawk emaw tih theih a ni. Hman deuhva kan Finance Minister Lunglei a a lokal tum khan he thu hi kan sawi pui a. Ama remruatpuiin khawpui a lo tlan chhia te hming la khawm in, Rehabilitation Grant an dil a. Mahse Budget ah hian a lang ve ta hauh lo mai a. Mipui an beidawng hle dawn a ni. Engti kawng zawng talin emaw hei hi ngaihtuah sak turin sawrkar ka ngen duh a ni.

Market chungchangah Mizawl tan engemaw zat ruahman a ni a. Mahse Lunglei leh Saiha tan engmah ruahman a awm lova. Lunglei a Bazar, District Council in a lo siam te saw a chhe zo tawh a. A inte a tlu a, a ban leh lungrem te vawkin an nawr phawng zo veka. Din thar a ngai tak tak tawh a ni.

Tin, sa zawrh chungchangah pawh thu neitu mumal an awm loh avangin duhna hmun apiangah an zuar a, khawpui a titawp duh hle a. Chu bakah ran hrisel lo sa leh mi ran an phil sak te pawh zuar se hriat chhuah ngaihna a awm lo a ni. Tin, khawlai tihfai hna te pawh tu kuta awm nge tih hriat a harsa hle. Lunglei ah chuan D.C. in Cattle Pounds a han siam tan a, hengte pawh hi tihhlawhtlin pui ngei a tha ang. Kan progress siam danah hian Mizawl atanga tanin Lunglei ah, Saiha ah a tah tawla kan kal a tulna lai a awm ang. Mahse hetiang kan nitin nun khawih thilah hi chuan rual tlang deuhva siam a tha a ni.

Tin, hei Circuit House Mizawl leh Lunglei a mite chenna tur ruahman a ni a. A lawmawm hle. Mahse a mamawh bor Saiha tan engmah a la lang ve lova. Saiha sawh mi pawimawh tak takin a tlawh tan ve ta a. Rest House tak ngial pawh a awm lova, a remchang lo hle. Chuvangin Saiha ah sawn Circuit House sak thuai nise a tha ang. Hei hi ngai pawimawh turin sawrkar ka ngen duh a ni.

PU ZALAWMA: Pu Speaker, tawite in ka han sawi ve lawk teh ang. Subsidy for discharging arrear on liabilities on Transport a tan cheng maktaduai 5 lai a awm a. Mahse hei hi thil kal tawh a ni si a, hei hi min hrilhfiah thei seka duh hle a. Tin, Pawl, Chakma leh Lakher te tan cheng nuai 1 ruahman hi a tlem lutuk a, kawng hrang hrang atan han chhut hian engmah tham in a lang lo bawk a.

Tin, Grant to surrender MNF tih hi engkawng bara tanpui tur nge hi ang? Inleh lo an in tundin na tur nge, an mahni surrender te lawman atan? Tin, total liabilities of District Council tih ah hian nuai 2 lai a awm a. Mahse hian

PU CHAWNGKUNGA: Pu Speaker, Demand No.25-na hi corruption lam ah a himin a tluang hle a ni awm e. Ka hmaa Member zahawm takte pawhin an sawi lom lova, kei pawhin ka han sawi ve duh chu hoi hi a ni: (Corruption ang pawhin a ngaih theih mai theih e) Transport (Porter) lam hian tun lai hian an tih tur an hre lo ni ta berin a lang. Hei vang hian a ni Grouping Centre leh hmundang thingtlangah pawh dandawi mamawh zual tak te pawh kan hmuh theih loh ni. An ni ho hian Mizawl ata phurh zel nise chu a ziaawm deuhvin ka ring. Mahse Chutiang sawrkar hna pawimani thawh aini tu pal emaw siamin huan te an hung mai mai si. Hetiang tur em ni?. Chutiang an tih than tawh avangin an hmung, an nihna pawh hi an hre tawh lo vek a nih hi. Chuvangin an hmung hi thlak awm tak a ni lo maw? "Nghawngkaw! Wing emaw Nghawngkaw! Pattalion emaw tiin.

SPEAKER: Chief Minister in han sawi tawh sela.

PU CH. CHUNGA,
CHIEF MINISTER: Pu Speaker, hei Demand No.25-na kan sawi chungchang ah hian, thil hriatthiam loh em em a awm lova. Pakhat ah chuan in chawhpawh hle pawhin a lang thei ang a. Pakhatna ah, Transport ah cheng maktaduai 5 a awm hi Thlawhna in buhfai a phurh na man te a tel a, chu bakah a Transport hrim hrim atan tam tak a ngai a, a tlem hle zawkin ka ngai a ni.

Engpawhnise a in chawhpawh nasa a, kan in som deuh a ngai a, Bazar chungchangah Lunglei a tel lo hi kan lo thlir leh ang a, Saiha a Circuit House a tel lo pawhin kan lo thlir ang a. Tin, kan Chakma thian ten an hriat duh ~~Chakma~~ pawisa in sem dan thuah chuan Development lama an hnufum dapte mipui tam lam te pawh a ni ang a, chumi te pahnih ngaihtuah a sem a ni ang. Tin, Transport thu hi Supply & Transport hi D.C. a awm mai chi a ni lo. Secretariat hnuaia awm tur a ni. Posters tih hi chu helala zinturte tana tih a ni loh a. Tin, MNF surrender te tan a tih hi a theih ang anga tanpui tura tih a ni a, Society te pawh din tura tih an ni a, he tanpuina hi in leh lo lama tan chuan a ni lo. Chung atan chuan ngaihtuahna a la awm hrih lo a ni.

Tin, District Council tana nuai 3 vel la awm hi chu District Council hun lai khan pek theih loh tam tak a awm a, Allowances te thengin. Tin, leibat chungchangah te pawh a awm a ni.

Tin, District Council 3 tihah Khan Plan nge Plan lo tih a awm a, hei hi chu Plan a ni. Tin, Ex-gratia grants to those who lost members of families during disturbances tih ah hian dan te kan hre chiang vak lo nain, ru luahtute siam fel na tha tak a awm chuan an nupuite pawhin a tih theih zelin kan ring a. (Pu Zalawma: Wild Animal hi engtin nge) Sanghal te em ni?) Sanghal te chu a huam lovang a.

Tin, Republic Day te, Independent Day te ai chuan keimahni Ni ah tih kha a dik viau a, amaherawhchu sorkar in hnam bik atan pawisa a pe ngai lova. Tuna mi hi chu National Day a nih avangin India ram hmun tina hman tura tih a ni.

PU J. THANGHUMA: Pu Speaker, tih fiah ngai deuh mai thil a awm a, phek 2-na ah Maktaduai 8 leh nuai 4 tih a ni a. phek 268 ah Maktaduai 8 leh nuai 4 a rawn lang leh a, hei hi thil thuhmun (type) chhut sual em ni?

PU KHAWTINKHUMA; FIN. MINISTER: Pu Speaker, hei hi chhut sual a ni lo ve.

PU R. THANGLIANA, MINISTER: Pu Speaker, kan hrilhfiah dawn teh ang. Subsidy of Liabilities hi chu nikuma mi pawh la tihfel loh a ni a, phek 268 en ula, Maktaduai 5 kan hmu a, kan hloh tura kha a dik dawn loh avangin nuai 50 in kan subsidy dawn ti tihna a ni. 25 kan hloh tue kha a aia tam kan hloh dawn avangin, subsidy hi tih a ni ta a ni.

Tin, Air freight hi a man a san avangin thil man a tih sanna a awm chuang lo. Amaherawhchu senso sorkar tan a san lutuk vangin a tihdan kawng kan zawn a tul reng a ni. Pu Lalsangzuala sawi Kohima ah a tlem thei bik tih kha a nih theih lohna lai a awm ve a, hetah chuan a lo sang emaw a hniam emaw pawh nise, Central lamin a tum dawn thova, ngaihtuah buai loh tur a ni ang a. Thil man a ti sang chuang lo.

Tin, Pu Hrangala sawi Republic leh Independent Day chungchang kha chu National Function a ni a. Mizo thil, Kut te nen chuan a in ang thei lovang a. Budget a khung chi pawh a ni lo. Kan Mizo nunphung a Kut te leh chutiang titute pawh Club te an awm a nih chuan a hnan pa-in grant lam in emaw tanpuina awm tur a ni zawk ang a. Chutiang atan chuan provision pawh siam a ni ve reng a ni.

Tin, Transport lam te chu a rem ang ang leh a tul dan ang zela chhim lamah te, Hmar lamah te dah fel a la ni zel ang a. Chung thil chu Grouping Centre lam enkawl tur an ni ang a. Air subsidy kha chu helam hmun puiah tih fel tur a ni thung ang.

Tin, District Council pathum te tan a grant-in-aid tlem lutuk ti a sawi kha a ni a. A pawisa hmuh tur feng reng kha Population basis (mipuite tam lam a zirin) pek a n ni ang.

Tin, Grade IV chungchang thu kha, Chowkidar hi Grade IV zinga mi chu ni tho mahse, a hna tuichawi, chawchhum te a lo ni a, Chowkidar ni kher lo IV Grade dang kha Circuit a awm ve tur hian a tul ve reng reng a, an hna hming erawh chu engmah a awm apiang vuah a la ni ang a.

SPEAKER: In chawhpawh thil kan sawi a, Miscellaneous thil a ni reng a. Awle, Demand No. 25-na atan a Rs. 1,27,42,170/- tih hi remti apiangin Aye ti ru le (Member ten Aye an ti a remti lovin No ti ula (Member te an ngawi a) Kan passed a nih chu.

Tunah chuan Demand No. 29-na Hon'ble Minister in her move sela.

MINISTER: Mr Speaker. On the recommendation of the

PU LALSANGZUILLA: Pu Speaker, Lt. Governor address kan discuss
khan kei mahni puala Electric Board neih a
tulzia ka sawi tawh a. Chu chu tih tum pawh niin Chief Minister
zaham takin min hrilh tawh a, lawmawm ka ti ngawt mai. Tin,
chanchinbu lam te a lan danin Lunglei pampang saw chu
Bangladesh lam atanga Electric lak luh tum ni awm takin a lang
a. Political lam thilah hian Bangladesh hi an dinmun a la
chiang rih lo em em a. Chuvangin an ni rinchhan ai chuan mahni
ngeia kan din a rinhleih awm hlek lova, keimahni sawrkar lam
atang ngeia kan tih en a tha ang.

Tin, Hydro Electric power pawh lui lian atanga
mel id te, 40 te lui kan lak pen chuan power lian tehchian
lo bun nan thil harsa niin a lang lova, India Prime Minister in
ram thenkhat enkawl dan tura Plan a siam angin Mizoram pawh
hi thla khat emaw zela veng khat emaw khaw khat emaw tih en tum
ila, tichuan kum 15 chhungin kan ram kan ti eng vek thei ang.

Tin, tuna kan electric board hian Zoram ah hian
power an hman chau lutuk niin ka hria. A eng lo em em mai a,
Zanah heng hi kan ring ting si a, lehkha pawh a chhiar theih ka
mang lova. Michhe te te in man tam tak tak chawiin kan han la
lut ve a, a eng lo viau thin si a. Hei hi mi chhiaten kan
tuar em em a ni. A lehlamah kan V.I.P. ten extravagant lutuka an
hman vang pawh a ang viau.

Tin, hemi atana khan budget hi a tam tawh viau mai
a. Tha taka hman a nih chuan tangkaipui tham niin ka hria a,
Chuvangin hman theih a nih veleh atangin Electric Power chak
zawh chu hman tum ngei ila thain ka hria a, hotute ka han chah
duh a ni.

PU C. LALRUETA: Pu Speaker, Demand No. 29-na thuah tawite in
han sawi ila, Pu J. Thanghuama te anga thu tih
sei vak hi ka tum lovang a. He demand kan en chuan pawisa a tha
hmem tham viau mai a. Electricity hi a pawimawh in thil engpawh
han siam chhuak dawn ila, a pawimawh hle a, tin, kan nunphung
atan hian a pawimawh ve hrim hrim bawh a. Electricity Board
Zoram chhung ngeia din hi a tul hle in ka hria. Electric thuah
hian Assam Board hnauiah kan la awm a, Mizawl te Serchhip te a
kan eng neih hi Diesel hmanga la enkawl mai a ni awm a, tha
hmem min ngaih puilo hlein ka hria. Tin, Town Area a chhiar ve
siah chuan Ramhlun te, Tianguam te leh hmun dangah te pawh
eng kan la nei lova, wire a awm lo an ti reng a, rin aian kan
nei har hle dawnin a lang ta.

Thingtiang lam tan Rs.447.00 (thousand) vel
ruahman a ni a, Lunglei leh Serchhip te hi tlema an enkawl
deuh te chu an ni mai rih a, Mizawl atanga Lunglei inkar khua
te hi chu eng pek ranah an tha hlein ka hria. A kawng a lunin,
khua te pawh lian tak tak, Lunglei ai maha lian zawh te a awm na
hlawm si a, heng Chhingchhip te, Thingsulthiah te hi mihring
pawh an tam in a khua pawh a lian tham ve reng reng a, hengah
te hian a tul tawh hlein ka hria.

~~215~~ Tin, Residence atan cheng nuai riat, sing sari
sangnga (Rs.8,75,000/-) vel ruahman a ni a. Chu ai chuan thing-
Power House

PU J. THANGHUAMA: Pu Speaker, ka hma a member zahawm tak tak te khan sawi tur hre lo an ti a. Kan sawi teh ang. He Electric lam kan sawi a, thil pakhat hriat ka duh a, Minister te an awm a, a ma mimal inah Electric a lo la a, hei hi sorkar tih nge a ma tih? sorkar tih anih chuan a rul leh tur a ni dawn lawm ni?

Tin, thingtlang tihah hian Serchhip te hi thingtlang a ngaih em ni? Electric te pawh an nei a, in tam takah an chhi a, amaherawhchu a eng lo tlat a, hengte hi engvang nge?

Tin, ~~the~~ Assembly House te, Raj Niwas ah te power tam lutuk an hmang a, keini chhimlam kawtchhuah tan chuan kan chauh phah em em a ni. Ramdanga tanga Electric Power lak aini Kei mahni atanga siam ve mai hi a awlsam zawk dawn lawm ni? Tlawng te pawh khuah ve nise.

Tin, chhim lam vengah sawn kan han thim a, complaint kan han siam a. Vehicle te a lo awm lo leh a, heng atan hian Thakthing - Kulikawn ah te sawn complaint na tur awm se, tha in ka hria.

Tin, hei Residential Building te kan ti a, thingtlang lam te ngaih tuah lova, in sak vak vak mai te hi kan tih tur a ni awm a. Tin, step-up, step-down tih ~~kih~~ ah te hian atan hie hengte hi min hrihfiah sak ka duh a ni.

PU HRANGAIA: Pu Speaker, Electric lam han sawi takah chuan ka hmaa member zahawm tak Pu Lalruata sawi ang Khan Budget siam hma Khan Member te kan in hmu khawm a, chuta member tena kan lo sawi ho tawh angin Aizawl tanga Lunglei dung Grouping ho te hi an mahni duh thua khaw liana insiam an ni lova, theihtawpa sorkarin a khuahkhirhna hnuasia awm an ni a. K.Oil nei zo lo a tam zawk an ni a. Chuvangin Grouping khuah te hi Electric a eng pek an phu ve em em in ka hria. Kei ka bial phe chu Scheme siamin ka pe lut vek a. Mahse, pakhat mah kan budget ah hian a lang si lo.

Tin, kan dan hriat loh kan mawl vang pawh a ni ang a, Board kan neih rih loh vang emaw ni, min lo hriat sak thei in awm chuan, ka in chu in hriat angin lam lian hnuai hnunga awm a ni a. Electric line a kal ve si lova, lamlian chhakta zawk ami temporary in ka la a, permanent a lak ka duh a, ka in bula kan ram officer lian pui pui awmte thu rualpui ka tum a, Electric line lak loh puih ka sawm a, mahse min ngaihsak si lova, ka mangang a, keima mimalin ban pathum Rs. 1000/- sengin ka lei ta a. Tichuan ka inah ka la lut ve ta a. Chutia ka lakloh vele chuan kan thenawm sorkar in luah tute Officer lian pui puite chuan ka ban phun sa ring chuan an inah an la lut leh ve ta vek si a. A ban atana ka lo senso ang pawh chu min pe duh baw si lova. An in chhungah chuan ka in aia bulb tam zawk leh eng zawk an vuah leh nghal a, keini chu a eng a chak loh phah sawt leh nghal si a. Hetiang thilte hi tihdan tur reng em ni tih pawh ka hre lova.

Tin, Electric lama hna thawktute ho reng reng hi member dang tena an sawi tawh angin Vai deuh vek an ni a. An

Tin, Aizawl khawpui chhung kawng dung ve tho si Khatla lam Maubawk leh Bungkawn te in 500 lai huam chhung an ni a. Heng kawng dungah te hian Electric light an la nei ve hlek lo mai a, hei hi a pawl ngawtin ka hria. Hotu lamin ngaihtuah sak ran vat atan ka han ngen a ni. Principal Engineer Bangla atan an mai lak leh vak ang reng si a.

Tin, ka hmaa Member zahawm tak Pu Lalruata sawi ang.khan Thingsulthliah te, Tlungvel, Baktawng te Chhingchhip etc, ho reng reng khi Electric light chu pek ve thuai chi an niin ka hria, an pawimawh tak meuh a ni.

Tin, Serchhip khi Mizoram khawpui deuhva a tel leh tel loh thu Pu J.Thanghuama, Member zahawm takin a zawhna kha District Council kha chuan a puang lova, khaw thenkhat a ala te zawk a langte kha puan an ni a. Amaherawhchu, khaw lian ve si awm nghehna tur nia a lan avangin tun hmaa chutianga puan ni kher lo mahse ngaihsak leh cheimawi chu a phu hle a ni. Heng Grouping Centre thenkhat - entirnan -Baktawng etc hi chu khaw lian pui pui ni ve mahse, a awm zawng zawng ate chen hlenna tur niin a lang thei lova, chutiang awm hlenna tur ~~sa~~ ni lo ai chuan chei hmasak chu a phu zawk a ni. Grouping hmun pawimawh zual zual te han chei tan chuan, mahni khua a kir leh chakna em em te hi a bo deuh mahna.

PU SAILAWMA: Pu Speaker, He Demand chungchangah hian thu pawimawh tak sawi tur ka nei ve a, member zahawm tak tak ten light thuah an duh ang tawk an la neih loh thu an sawi tam ta hle a. Mahse Mizoram khawpui lian ber Dawlto Lunglei ah sawn Electric light kan la neih tlem zia leh kan khawpkham lohzia thu tumahin an la sawi hauh lo mai a. Khawpui lian saw ang riang ruang ah sawn electric light chu tlai dar 5 atanga zan dar 11 thleng chauh kan hmang ve thin a nih chu.

Hmun pawimawh Serkawn Christian Hospital angah te sawn lak luh theih pawh a la ni hek lo. Tin, Lunglei kawtthlor tam zawkah eng kan la nei hek lo. Tin, kawngpui dung khaw pawimawh Zobawk G.C. ah te pawh eng (light) pek an la ni lo bawk a. Heng harsatna tikiang thuai tur hian Mizoram Electricity Board hi neih ve a tul ta hle in ka hria.

Tin, khawpui pawimawh dang, Lawngtlai leh Saiha ah te pawh hian Diesel Engine hmangin light pek chu thil harsa pawh niin a lang lem lo. BRTF pawhin an awma hmun apiangah light chu an in buatsaih sak thei mai a ni. Electric power hi Aizawl District in an mamawh ang bawkin Lunglei leh Chhimituipui District te pawhin an mamawh ve bawk a ni tih hi ka sawi lo thei lo a ni.

Hman deuh Khan Assam Tribune chanchin bu ah Bangladesh a Kaptai Hydro Electric power Mizoram serkar in an la ve dawn tih thu te a lo chhuak a. He thil hi pawimawh hlein ka hria. Tunah kan mamawh tawh hle si a. Member thenkhat ngaihdan ang a, randang sawrkar power lak a tha tawk lo tih mai mai te chu ka ngaihdan ani hauh lo mai. Kan theih phawt chuan ram dang electric power pawh chu kan la hmang phawt anga chu mi chhungin kei mahni ta ngei tur chu kan ram chhungahkan buatsaih ve nghal zar zar ang a, Kaptai Hydro-Electric power te chu han lak rih mai pawh a harsa lovang. Tlabung atangin mal 30 amaw chauh a ni leh nghal a. Thenkhat ngaihdan ang a,

Takin tih ringawt a kan inngah dawn chuan Bawngpui lei tak ngial pawh hi sakei in a seh mai takin emaw kham ko a a tlak hlum palh mai takin tia kan ngaihtuah dawn chuan, Bawngpui pawh a lei theih hauh loh a nia.

A thu hrimah tunlai khawvel ah hmasawna hna hrang hrang thawk turin electric power hi kan mamawh bulpui ber pakhat chu a ni tlat mai a, He lamah hian kan sorkar hi tan la nasa hle turin ka ngen tak meuh a ni e.

PU L.P.THANGZIKA: Pu Speaker, Demand No.29-naah hian han sawi ve duh ka nei a. Hemi Electric chungchangah hian, sawi sawi tur a tam hlein ka hria a, kan hriat tawh angin Ram hmasawna atana hna kan thawh tak tak dawn chuan Electric khawl tel lo chuan hna a thawh tak tak theih lohva, Hetia kan lo changkan deuh deuh hi chuan Electric power hi ngaihtuah vat tur niin ka hria. Helai Aizawl hmunah chuan chhun leh zanin Electric hi a hman theih tawh a, engemaw chenah chuan a zlaawm viau tawh a.

Tin, Umiam Hydro Electric (Barapani) atanga Aizawl te pawh eng thei turin kan hotu ten an ruahman niawm in a lang a, mahse a la muang dawn niin a lang a, Mizorama Electric Department a an S.D.O. pakhat nens kan inbiakna ah chuan Aizawl a thlenna turin kum 2, kum 3 lai a la duh dawnin a sawi a.

Hetiang khawpa hun rei a daih chuan engtikah nge km Lunglei lam chu a thlen ve ang tih hi ngaihtuah tham fe a ni a. Keini chhim lam kan chuan Bangladesh a Electric power khu lak choh theih dawn awmin kan hotu thenkhat ten an sawi a, nimahsela sorkar danga mi rin ngawt mai hi chu a fel lo deuhvin a anga, in ngahna chi ah ka ngai lo. Zoram chhungah Hydro electric power siam ve theihna hmun apiangah siam ve ni zawk sela. Vanva lui te pawh hi District Council hun lai khan Session ah passed a ni tawh a, heng te pawh hi tha viauin ka ring a, Tin, ke mi lo pawh hi Chhintuipui (Kolodyn) leh Tuichang infirma Tuichang luhah Damp remchang tak tur a awm a, sawlai saw damp a siam a nih chuan chhim lam pang zawng zawng chumin supply hneh em em ang a, chu bakah chuan Paper Mill leh Saw Mill atan pawh thil remchang tak a ni nghal ang. Paper Mill leh Saw mill atan chuan, Tuichang lui kan leh Tuipui lui leh Tuiphal leh Tiau lui dung a mi te, thing leh mai chu he lai hmunah hian a lak luh theih vek a, Burma ram thing tha tak tak te pawh Tiau lui dunga tang in he hmunah hian awlsam takin a lo thleng thei bawk a.

Chuvangin, sawrkar dang ran Bangladesh a mi lak tum ai chuan, keimahni ram ngai ah heng ang thil hi ruahman ve zawk ila, chung ang en vel tur chuan sawrkar in Expert mite turin ngaih ven ran ni sela, tha in ka hria a ni.

PU SALAWMA: Pu Speaker, tlein thil pakhat clarification ka zawng duh chauh mai a nia. Engvangin nge Street light hi Tax hi kan pek tih hi, Mahni inchhung a kan lak luh hi chu a man chawi ngei awm chu niin ka hria a. Anaherawhchu kan thu ni hlek lo, kan duh leh duh loh avang pawh ni hlek loya thil, sawrkarin mipui tana a siam mai hi, Keini kangpui dunga ma ten light tax kan ho chawina ngawt hi a awmia ka hre loya. Tin, he kan chhiah chawi hi eng head a dawn nge ni reng?.

Aizawl ah hian VIP lam hian Electric hi an heh hle mai a. Chu yang chuan emaw ni kawngpui dung hi a eng lo viau mai a. Eng hi misual leh zu rui laka mipui himna ber pakhat a ni a. Chuvangin hei hi a en deuh zawkna tur kan hotu ten ngaihtuah se, chuti lo chuan tuna kan power hman lai hi zawkna a chau lutuk a ni.

Tin, Lunglei leh Chhimitpui District ve ve Capital ah chuan Electric power khawl bun ve ngei ngei tur niin ka hria. Kan Mizoram sawrkar ngei hian Electric Board nei se la. Assam Electric Board lam hi kumtin Rs. 10,000/- lai mai in an defecit thin tih ka hriatpui se pha a. Chuvangin tha zawk leh pui zawk kan neihna ngeiin mawhphur turin Board pawh han siam ve teh reng ila tih hi ka rawt ve duh bawka ni.

PU LALRINLIANA: Pu Speaker, kam khat chauh han sawi ka duh a, thingtlang lam chu lo dah tha deuh hlek pawh ni ila, Aizawl khawpui ah ngei hian a thawktu staff an tlem nge ni, a ruahmanna, internal wiring an zam tawhna pawh light connection an ti har lutuk a. Nakin lawk an tih hi rei lutukin ka hria. Power House bul lawk a mite, Bazar bul vel a mite pawhin eng an la nei thei lo fo hi mak ka ti a. Internal wiring an zam tawhah light connection an ti nghal lo hi engnge a chhan?.

PU VANLALHRUALIA: Pu Speaker, kan electric Department hian an thawk chak lo deuh emaw aw? ka ti a. Tlangnuam ah te pawh pe mai turin an sawi a, thingtlang lam chu sawi loh sawng mel 3 ah te pawh sawn an la dah lo si a, hengah te hian ngaihtuah sak vat tur an ni dawn lawm ni?.

PU VAIVENGA, MINISTER: Pu Speaker, hemi thuah hian rawtna duhawm tak tak nakin thlenga tha turte an ni a, a lawmawm hle. Tuna kan pawisa sawi chhuah atana remruat sa awm chu Silchar atanga Aizawl te, Aizawl atanga Serchhip te leh hmun dang thenkhat, Serchhip atanga pek darh turte nen a huam ber a. Tin, Aizawl khawpui a harsatna veng kilkhawr deuh tuna eng la thlen lohna - Tlangnuam te, Maubawka te leh hmun dang thenkhatte a huam tel bawka a. Tin, chu lovah chuan tuna kan power hman lai hi tlema tih len a ni a. Amaherawhchu an thawh chak leh chak loh thuah chuan Assam Board hnuatia mi an nih avangin control vak thei chu kan ni rih lo.

Tuna kan neih mekah hian a theih chin chin ah chuan Mizo ngei hman tum telh telh an ni. Chutiang zelin kei mahni Mizoram Electric Board ngei hman leh neih thuai kan beisei. Tin, member zahawm tak tak ten an sawi Light tax hi chu khawi hmun ah pawh electric hmanna apiangah pek loh theih a ni lovang a. (Pu Zalawma: Pu Speaker, Mahni ina kan lak luh tax pek hi chu ka hre thiam a, kan in bul kawt thler a mi vel a hnain a tax kan lo pek hi a nia ka hriat thiam loh chu ni) Hei hi a lo in phuhruk vena tur a siam a ni a, pek ngei a tul a ni (Pu Zalawma: Pu Speaker, Street light tax hi a ni).

Heng hi District Council hun lai atanga pek kha a ni a. Engpawh nise chutiang te chu thil awmia anih avangin a fel lo lai chu thlir zel leh siam that tum zel tur a ni (Pu Speaker, Street light tax hi a ni).

PU KHAWTINKHUMA, MINISTER: Pu Speaker, Assam State Electricity Board in an tih dan in mahni in a Electric lak nan ban phui a ngaih chuan a in neitu in ban man pek a ngai a. Amaheraw Street light atan ban chu hman anih dawn chuan, a ban neitu ngai a ni. Chuvangin Electricity Board in a tih dik a ni ang.

PU HRANGAIA: Pu Speaker, in hriat chian theih nan han ti lang ila, Ban thum kalci a, nichin a ka sawi ang khan Rs.1000/- ala tam ka seng a. Ka thenawm vel te kha Sorkar in a ni a, chung a chengte chu lakpui atan a tirah ka sawm a, an duh lova. A ban ka lei a. ka phun veleh ka ban atang khan an Bangla ah an la lut ta hlauh si a, chu chu thil awmzia chu a ni.

SPEAKER: Demand No.29-na atan a Rs. 54,98,000/- tih hi remti apiangin Aye ti rule (Member ten Aye an ti a) A rem ti lo apiangin No ti ula (Member te an ngawi a) Kan passed a nih chu.

Tunah Re-appropriation Bill kan ti ang a, A kawm a (As Introduced in the Mizoram Legislative Assembly) tih hnuzia ON tih piah ah khan ni 30.10.72 kha lo fill-up hawm ma'ula. Hei hi tun tum kan Budget a kan passed tak te Bill kha a ni a, Minister-in-charge in han move sela.

PU KHAWTINKHUMA, FINANCE MINISTER: Mr Speaker, "In Pursuance of the recommendation of the Lieutenant Governor (Administrator) of the Union Territory of Mizoram this Bill is introduced to provide for the appropriation out of the Consolidated Fund of the Union Territory of Mizoram of the Moneys required to meet the expenditure charged on the Consolidated Fund and the grants voted by the Legislative Assembly, Mizoram for expenditure of this Union Territory for the period from 3.5.1972 to 31.3.1973.

SPEAKER: Hei hi a khalkhawmna mai a ni a. I. bik taka sawi tur nci in awm loh chuan kan pass mai ang a. (Member te an ngawi a) Awle, kan passed anih chu

PU SAITLAWMA: Pu Speaker, List of Business ah Khan Re-appropriation Bill tih a ni a. Tunah hian engtizia nge Appropriation Bill tih a nih tak mai? Heng buatsaihtute fimkhur loh vang em ni?

PU KHAWTINKHUMA, FIN. MINISTER: Pu Speaker, List of Business a mi RE - tih hi tih sual palh a ni a, ngaihdam kan dil e.

SPEAKER: Kha kha chhut sual palh a ni e. Tunah chuan Member zahawm tak ten hun tam vak nei lo mah ila, kan Demand te kan passed thei sel a, a lawmawm ngawt mai. He Appropriation, Bill pawh hi Member zahawm tak ten sawisel lova Finance Minister in a move hi a remti ~~awm~~ apiangin Aye ti ru le (Member ten Aye an ti a) A remti lovin No ti ula (Member te an ngawi a) Kan passed anih chu.

Tunah chuan kan inkhawm kan tin rib anga. naktuk